

9 апрѣля 2022 гóда. Суббóта Акáфиста. Похвалá Пресвятóй Богорóдицы.

УТРЕНЯ

Иерей: **Благословѣн Бог наш всегда, ныне и присно, и во веки веков.**

Чтец: **Аминь.**

Слава Тебѣ, Бóже наш, слава Тебѣ.

Царю Небесный, Утѣшителю, Душе истины, Иже везде сый и вся исполняй, Сокровище благих и жизни Подателю, приди и вселися в ны, и очисти ны от всякия скверны, и спаси, Блаже, души наша.

ТРИСВЯТОЕ ПО ОТЧЕ НАШ:

Чтец: **Святый Бóже, Святый Крепкий, Святый Безсмертный, помилуй нас. (Трижды)**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: **Яко Твое есть Царство и сила и слава Отца и Сына и Святаго Духа, ныне и присно и во веки веков.**

Чтец: **Аминь. Господи, помилуй. (12 раз)**

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

ПСАЛОМ 19:

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твоё тучно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь христа Своего, услышит его с Небес Святаго Своего, в силах спасение десницы Его. Сии на колесницах, и сии на конех, мы же во имя Господа Бога нашего призовём. Тии спяти быша и падоша, мы же востанем и исправимся. Господи, спаси царя и услыши ны, воньже аще день призовём Тя.

ПСАЛОМ 20:

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дней во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостью с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящая Тебе. Яко положиши их яко пещь огненную во время лица Твоего, Господь гневом Своим смятет я, и снеть их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцах Твоих уготовиши лице их. Вознесися, Господи, силою Твоею, воспоём и поём силы Твоя.

Слава Отцу и Сыну и Святому Духу и ныне и присно и во веки веков. Аминь.

ТРИСВЯТОЕ ПО ОТЧЕ НАШ:

Чтец: Святыи Бже, Святыи Крепкий, Святыи Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь.

ТРОПАРИ:

Чтец: Спаси Господи люди Твоя, и благослови достояние Твое, победы на сопротивныя даруя, и Твое сохраняя Крестом Твоим жительство.

Слава Отцу и Сыну и Святому Духу.

Вознесийся на Крест волею, тезоименитому Твоему новому жительству щедроты Твоя даруй, Христе Бже, возвесели нас силою Твоею, победы дая нам на сопостаты, посobie имущим Твое оружие мира, непобедимую победу.

И ныне и присно и во веки веков. Аминь.

Предстательство страшное и непотыдное, не презри Благая молитв наших, Всепетая Богородице, утверди православных жительство: спаси люди Твоя, и подаждь им с небес победу, зане родила еси Бога, едина благословенная.

МАЛАЯ СУГУБАЯ ЕКТЕНИЯ:¹

Иерей: Помилуй нас, Бóже, по велицей милости Твоей, молим Ти ся, услыши и помилуй.

Хор: Гóсподи, помилуй *(Трижды, на каждое прошение.)*

Иерей: Ещё молимся о Великом господине и отце нашем, Святейшем Патриархе **Кирилле** и о господине нашем преосвященнейшем епископе *(или архиепископе, или митрополите имярек)*, и о всей во Христе братии нашей.

Ещё молимся о богохранимемей стране нашей, властех и воинстве ея, да тихое и безмолвное житие поживем во всяком благочестии и чистоте.

Ещё молимся за всю братию и за вся христианы.

Иерей: Яко милостив и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь. Именем Господним благослови отче.

Иерей: Слава Святей, и Единосущней, и Животворящей, и Нераздельней Троице, всегда, ныне и присно, и во веки веков.

Хор: Аминь.

ШЕСТОПСАЛМИЕ:

Чтец: Слава в вышних Бóгу, и на земли мир, в человецех благоволение. *(Трижды)*
Гóсподи, устне мои отверзеши, и уста моя возвестят хвалу Твою. *(Дважды)*

ПСАЛОМ 3:

Гóсподи, что ся умножиша стужающие ми? Мнози востают на мя, мнози глаголют души моей: несть спасения ему в Бóже его. Ты же, Гóсподи, Заступник мой еси, слава моя и возносяй главу мою. Гласом моим ко Гóсподу возвах, и услыша мя от горы святыя Своея. Аз уснух, и спях, востах, яко Гóсподь заступит мя. Не убоюся от тем людей, окрест нападающих на мя. Воскресни, Гóсподи, спаси мя, Бóже мой, яко Ты порази еси вся враждующия ми всуе: зубы грешников сокрушил еси. Гóсподне есть спасение, и на людех Твоих благословение Твое.

Аз уснух, и спях, востах, яко Гóсподь заступит мя.

ПСАЛОМ 37:

Гóсподи, да не яростию Твоею обличиши мене, ниже гневом Твоим накажеш мене. Яко стрелы Твоя унзоша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша

¹ Данная ектения всегда произносится иереем.

главу мою, яко время тяжкое отяготеша на мне. Возсмердеша и согниша раны моя от лица безумия моего. Пострадах и слякохся до конца, весь день сетуя хождях. Яко лядвия моя наполнишася поруганий, и несть исцеления в плоти моей. Озлоблен бых и смирихся до зела, рыках от вздыхания сердца моего. Господи, пред Тобою все желание мое и вздыхание мое от Тебе не утайся. Сердце мое смятеса, остави мя сила моя, и свет очию моею, и той несть со мною. Друзи мой и искреннии мой прямо мне приближишася и сташа, и ближнии мой отдалече мене сташа и нуждахуся ищущии душу мою, и ищущии злая мне глаголаху суетная и льстивным весь день поучахуся. Аз же яко глух не слышах и яко нем не отверзая уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой: и внемгда подвижатися ногам моим, на мя велеречеваша. Яко аз на раны готов, и болельзнь моя предо мною есть вина. Яко беззаконие мое аз возвещу и попекуся о гресе моем. Врази же мой живут и укрепятся паче мене, и умножишася ненавидящии мя без правды. Воздающим ми злая возлагая оболгаху мя, зане гонях благостыню. Не остави мене, Господи Боже мой, не отступи от Мене. Вонми в помощь мою, Господи спасения моего.

Не остави мене, Господи Боже мой, не отступи от Мене. Вонми в помощь мою, Господи спасения моего.

ПСАЛОМ 62:

Боже, Боже мой, к Тебе утренюю, возжада Тебе душа моя, коль множицею Тебе плоть моя, в земли пуста и непроходна, и безводна. Тако во святем явихся Тебе, видети силу Твою и славу Твою. Яко лучши милость Твоя паче живота, устны мои похвалят Тя. Тако благословлю Тя в животе моем, о имени Твоем воздежу рuce мой. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся Им, яко заградися уста глаголющих неправедная.

На утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава Отцу и Сыну и Святому Духу, и ныне и присно и во веки веков. Аминь.

Аллилу́иа, аллилу́иа, аллилу́иа, сла́ва Тебе́ Бо́же. (Трижды)

Го́споди помíлуй. (Трижды)

Сла́ва Отцу́ и Сы́ну и Свято́му Ду́ху, и ны́не и прíсно и во ве́ки веко́в. Ами́нь.

ПСАЛОМ 87:

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к моле́нию моему́, я́ко испо́лнися зол ду́ша моя́, и живо́т мой аду прибли́жися. Привмене́н бых с низхо́дящими в ров, бых я́ко челове́к без по́мощи, в ме́ртвых свобо́дь, я́ко я́звеннии спя́щии во гробе́, ихже не помяну́л еси́ кому́, и ти́и от руки́ Твоея́ отрино́вени бы́ша. Положи́ша мя в ро́ве преиспо́днем, в те́мных и се́ни сме́ртней. На мне утве́рди́ся я́рость Твоя́, и вся во́лны Твоя́ наве́л еси́ на мя. Уда́лил еси́ зна́емых мои́х от Мене́, положи́ша мя ме́рзость себе́: преда́н бых и не исхожда́х. О́чи мои́ изнемо́госте от нищеты́, воззва́х к Тебе́, Го́споди, весь день, возде́х к Тебе́ ру́це мои́. Еда́ ме́ртвыми твори́ши чудеса́? Или́ вра́чеве воскреся́т, и испове́дятся Тебе́? Еда́ пове́сть кто во гробе́ ми́лость Твою́, и и́стину Твою́ в поги́бели? Еда́ позна́на бу́дут во тьме чудеса́ Твоя́, и пра́вда Твоя́ в землі забвённой? И аз к Тебе́, Го́споди, воззва́х и у́тро моли́тва моя́ предва́рит Тя. Вску́ю, Го́споди, отрёеши ду́шу мою́, отвраща́еши лице́ Твое́ от Мене́? Нищ есмь аз, и в труде́х от ю́ности моея́; возне́с же ся, смири́хся, и изнемо́гох. На мне преидо́ша гне́ви Твои́, устраше́ния Твоя́ возмути́ша мя, обыдо́ша мя я́ко вода́, весь день одержа́ша мя вку́пе. Уда́лил еси́ от Мене́ дру́га и и́скренняго, и зна́емых мои́х от страсте́й.

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к моле́нию моему́.

ПСАЛОМ 102:

Благослови́, ду́ше моя́, Го́спода, и вся вну́тренняя моя́ и́мя свято́е Его́. Благослови́, ду́ше моя́, Го́спода, и не забыва́й всех воздая́ний Его́, очища́ющего вся беззако́нныя твоя́, исцеля́ющего вся неду́ги твоя́, избавля́ющего от истле́ния живо́т твой, венча́ющего тя ми́лостью и щедро́тами, исполня́ющего во благих желáние твоё: обнови́тся я́ко о́рля ю́ность твоя́. Твори́й ми́лостыни Госпо́дь, и судьбу́ всем обидимым. Сказа́ пути́ Своя́ Моисе́ови, сыновом́ Изра́илевым хоте́ния Своя́: Щедр и Ми́лостив Госпо́дь, Долготерпели́в и Многоми́лостив. Не до конца́ прогне́вается, ниже́ во век вражду́ет, не по беззако́нию на́шим сотвори́л есть нам, ниже́ по грехом́ на́шим возда́л есть нам. Я́ко по высоте́ небёсней от землі, утверди́л есть Госпо́дь ми́лость Свою́ на бо́ящихся Его́. Ели́ко отстоя́т восто́цы от за́пад, уда́лил есть от нас беззако́нныя на́ша. Я́коже ще́дрит о́тец сы́ны, ущедри́ Госпо́дь бо́ящихся Его́. Я́ко Той позна́

создание наше, помяну́, яко персть есмь. Человек, яко трава дние его́, яко цвет сельный, тако оцветет, яко дух пройде в нем, и не будет, и не познает ктому́ места своего́. Милость же Господня от века и до века на боящихся Его́, и правда Его́ на сынех сынов, хранящих завет Его́, и помнящих заповеди Его́ творити я. Господь на Небеси́ уготова Престол Свой, и Царство Его́ всеми обладает. Благословите Господа вси Ангели Его́, сильнии крепостию, творящии слово Его́, услышати глас словес Его́. Благословите Господа вся Силы Его́, слуги́ Его́, творящии волю Его́. Благословите Господа вся дела́ Его́, на всяком месте владычества Его́, благослови́, душе́ моя, Господа.

На всяком месте владычества Его́, благослови́, душе́ моя, Господа.

ПСАЛОМ 142:

Господи, услыши молитву мою́, внуши́ моление мое́ во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна́ враг ду́шу мою́, смирил есть в землю живот мой, посадил мя есть в темных, яко мертвыя века. И уны́ во мне дух мой, во мне смятеса́ сердце мое́. Помяну́х дни древния, поучихся во всех делех Твоих, в творениих руку́ Твоею поучахся. Воздох к Тебе́ рuce мой, душа́ моя, яко земля́ безводная Тебе́. Скоро услыши мя, Господи, исчезе́ дух мой, не отврати́ лица Твоего́ от Мене́, и уподоблюся низходящим в ров. Слышану сотвори́ мне заутра милость Твою́, яко на Тя уповах. Скажи́ мне, Господи, путь вонже пойду́, яко к Тебе́ взях ду́шу мою́. Изми́ мя от враг моих, Господи, к Тебе́ прибегах. Научи́ мя творити волю Твою́, яко Ты еси́ Бог мой. Дух Твой Благий наста́вит мя на землю праву. Имене Твоего́ ради, Господи, живиши мя, правдою Твоею изведеши от печали ду́шу мою́. И милостию Твоею потребиши враги́ моя́ и погубиши вся стужающия души́ моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наста́вит мя на землю праву.

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. (Трижды)

ВЕЛИКАЯ ЕКТЕНИЯ:

Диáкон: Мíром Господу помóлимся.

Хор: Господи, помíлуй. *(На каждое прошение)*

Диáкон: О́ Свѣшнем мíре и спасѣнии душ наших, Господу помóлимся.

О́ мíре всего́ мíра, благостоя́нии Святы́х Бо́жих Церквѣй и соединѣнии всех, Господу помóлимся.

О святём храме сем и с véрою, благоговéнием и страхом Бóжиим входящих в онь, Гóсподу помóлимся.

О великом Господíне и Отцé нашем Святéйшем Патриáрхе **Кири́лле**, и о Господíне нашем, Высокопреосвящённейшем митрополíte (**или:** архиепíскопе, **или:** преосвящённейшем епíскопе **имя-рѣк**), честнём пресвítерстве, во Христé диа́констве, о всем причте и лю́дех, Гóсподу помóлимся.

О Богохранímей странé нашей, властѣх и вóинстве ея́, Гóсподу помóлимся.

О граде сем (**или** о вéси сей), вся́ком граде, странé и véрою живу́щих в них, Гóсподу помóлимся.

О благорастворéнии воздúхов, о избы́лии плодóв земнѣх и врéменех мíрных, Гóсподу помóлимся.

О пла́вающих, путешéствующих, недúгующих, стра́ждущих, пленéнных и о спасéнии их. Гóсподу помóлимся.

О избáвиться нам от вся́кия скóрби, гнѣва и нúжды, Гóсподу помóлимся.

Заступí, спасí, помíлуй и сохрани́ нас, Бóже, Твоеóу благодáтию.

Пресвятúю, Пречíстую, Преплагословéнную, Слáвную Влады́чицу нáшу Богородицу и Приснодéву Мари́ю, со всéми святы́ми помяну́вше, сáми себé и друг дрúга, и весь живóт наш Христú Бóгу преда́дим.

Хор: Тебé, Гóсподи.

Иерей: Я́ко подобáет Тебé вся́кая слáва честь и поклонéние, Отцú и Сýну и Святóму Дúху, ны́не и прíсно и во вéки векóв.

Хор: Амíнь.

Бог Госпóдь, глас 8:

Диáкон: Бог Госпóдь, и явíся нам, благословén Гряды́й во Ё́мя Госпóдне.

Стих 1: Исповéдайтесь Гóсподеви, я́ко благ, я́ко в век мýлость Егó.

Хор: Бог Госпóдь, и явíся нам, благословén Гряды́й во Ё́мя Госпóдне.

(И далее на каждый стих)

Стих 2: Обышédше обыдóша мя, и Ё́менем Госпóдним противля́хся им.

Стих 3: Не умрú, но жив бúду, и повém делá Госпóдня.

Стих 4: Кáмень, Егóже небрегóша зíждущии, Сей бы́сть во главú у́гла, от Гóспода бы́сть Сей, и есть дíвен во очесéх нáших.

Тропа́рь пра́здника Богородицы (Триóди), глас 8:

Хор: Повелéнное та́йно приём в рáзуме, / в крóве Ио́сифове тщáнием предстá Безплóтный, глагóля Неискусобра́чней: / приклонíвый сходя́нием Небесá вмещáется неизмéнно весь в Тя, / Егóже и вíдя в ложеснáх Твои́х приёмша ра́бий зрак, / ужасáюся звáти Тебé: // рáдуйся, Невéсто Неневéстная. *(Дважды)*

Слáва Отцú и Сýну и Святóму Дúху и ны́не и прíсно и во вéки векóв. Амíнь.

Повелéнное та́йно приём в рáзуме, / в крóве Ио́сифове тщáнием предстá Безплóтный, глагóля Неискусобра́чней: / приклонíвый сходя́нием Небесá вмещáется неизмéнно весь в Тя, / Егóже и вíдя в ложеснáх Твои́х приёмша ра́бий зрак, / ужасáюся звáти Тебé: // рáдуйся, Невéсто Неневéстная.

Хор: Гóсподи помíлуй. *(Трижды)*

Слáва Отцú и Сýну и Святóму Дúху.

Чтец: И ны́не и прíсно и во вéки векóв. Амíнь.

КАФИСМА ШЕСТНАДЦАТАЯ:

Псалом 109

Рече Господь Господеви моему: седи одесную Мене, дондеже положу враги Твоя подножие ног Твоих. Жезл силы пошлет ти Господь от Сиона, и господствуй посреде врагов Твоих. С Тобю начало в день силы Твоея, во светлостех святых Твоих, из чрева прежде денницы роди́х Тя. Кля́тсЯ Господь и не раскается: Ты иерей во век, по чину Мелхиседекову. Господь одесную Тебе сокрушил есть в день гнева Своего царя. Судит во языцех, исполнит падения, сокрушит главы на земли многих. От потока на пути пьет, сего ради вознесет главу.

Псалом 110:

Исповемся Тебе, Господи, всем сердцем моим в совете правых и сонме. Велия дела Господня, изыскана во всех волях Его. Исповедание и великолепие дело Его и правда Его пребывает в век века. Память сотворил есть чудес Своих, Милостив и Щедр Господь. Пищу даде боящимся Его, помянет в век завет Свой. Крепость дел Своих возвестит людем Своим, дати им достойные язык. Дела рук Его истина и суд, верны вся заповеди Его, утвержены в век века, сотворены во истине и правоте. Избавление посла людем Своим: заповеда в век завет Свой. Свято и страшно имя Его. Начало премудрости страх Господень, разум же благ всем творящим и. Хвала Его пребывает в век века.

Псалом 111:

Блажен муж, бойся Господа, в заповедех Его восхощет зело. Сильно на земли будет семя его, род правых благословится: слава и богатство в дому его, и правда его пребывает в век века. Возсия во тме свет правым, милостив и щедр, и праведен. Благ муж, щедр и дая: устроит словеса своя на суде, яко в век не подвижится. В память вечную будет праведник. От слуха зла не убоится, готово сердце его уповати на Господа. Утвердися сердце его, не убоится, дондеже возррит на враги своя. Расточит, даде убогим, правда его пребывает во век века, рог его вознесется в славе. Грешник узрит и прогневается, зубы своими поскрежет и растает, желание грешника погибнет.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу

Чтец: И ныне и присно и во веки веков. Аминь.

Псалом 112:

Хвалите, отроцы, Господа, хвалите имя Господне. Буди имя Господне благо-

словенно отныне и до века. От восток солнца до запад хвалю имя Господне. Высок над всеми языки Господь: над небесы слава Его. Кто яко Господь Бог наш? На высоких живый и на смиренные призираяй на небесы и на земли, воздвигааяй от земли нища и от гнобща возвышаяй убога, посадити его с князи, с князи людей своих, вселяя неплодовь в дом матерь о чадах веселящуся.

Псалом 113:

Во исходе Израилеве от Египта, дому Иаковля из людей варвар, бысть Иудеа святыня Его, Израиль область Его. Море виде и побеже, Иордан возвратися вспять, горы разыграшася, яко овны, и холми, яко агнцы овчии. Что ти есть, море, яко побегло еси? И тебе, Иордане, яко возвратился еси вспять? Горы, яко разыграшася, яко овны, и холми, яко агнцы овчии? От лица Господня подвижеся земля, от лица Бога Иаковля, обращшаго камень во езера водная и несекомый во источники водные. Не нам, Господи, не нам, но имени Твоему даждь славу, о милости Твоей и истине Твоей. Да не когда рекут языцы: где есть Бог их? Бог же наш на небесы и на земли, вся елика восхотел, сотвори. Идоли язык сребро и золото, дела рук человеческих. Уста имут, и не возглаголют, очи имут и не узрят, уши имут, и не услышат, ноздри имут, и не обоняют, рuce имут, и не осяжут, нозе имут, и не пойдут, не возгласят гортанем своим. Подобни им да будут творящии я, и вси надеющиеся на ня. Дом Израилев упова на Господа: Помощник и Защититель им есть. Дом Ааронь упова на Господа: Помощник и Защититель им есть. Боящиеся Господа уповаша на Господа: Помощник и Защититель им есть. Господь помянув ны благословил есть нас, благословил есть дом Израилев, благословил есть дом Ааронь, благословил есть боящиеся Господа, малыя с великими. Да приложит Господь на вы, на вы и на сыны ваша. Благословени вы Господеви, сотворшему небо и землю. Небо небесе Господеви, землю же даде сыновом человеческим. Не мертвии восхвалят Тя, Господи, ниже вси низходящии во ад, но мы, живии, благословим Господа отныне и до века.

Псалом 114:

Возлюбих, яко услышит Господь глас моления моего, яко приклоню ухо свое мне, и во дни моя призову. Объяша мя болезни смертныя, беды адовы обреша мя, скорбь и болезнь обретох, и имя Господне призвах: о, Господи, избави душу мою. Милостив Господь и Праведен, и Бог наш милует. Храняй младенцы Господь: смирихся, и спасе мя. Обратися, душе моя, в покой твой, яко Господь благодействова тя. Яко изыят душу мою от смерти, очи мои от слез и нозе мои от поползновения. Благоугожду пред Господем во стране живых.

Чтец: Слава Отцу и Сыну и Святому Духу.

Хор: **И** ныне и присно и во веки веков. **А**минь.
Аллилуиа, аллилуиа, аллилуиа, слава Тебе Боже. *(Трижды)*
Господи, помилуй. *(Трижды)*
Слава Отцу и Сыну и Святому Духу.

Чтец: **И** ныне и присно и во веки веков. **А**минь.

Псалом 115:

Вéroвах, тёмже возлагóлах, аз же смирихся зело. Аз же рех во изступлени моём: всяк человек ложь. Что воздам Господеви о всех, яже воздаде ми? Чáшу спасения прииму и имя Господне призову, молитвы моя Господеви воздам пред всеми людьми Его. Честна пред Господем смерть преподобных Его. О, Господи, аз раб Твой, аз раб Твой и сын рабыни Твоея; растерзал еси úзы моя. Тебе пожру жертву хвалы, и во имя Господне призову. Молитвы моя Господеви воздам пред всеми людьми Его, во двóрех дому Господня, посреде тебе, Иерусалиме.

Псалом 116:

Хвалите Господа вси языцы, похвалите Его вси людие, яко утвердися милость Его на нас, и истина Господня пребывает во век.

Псалом 117:

Исповéдайтесь Господеви, яко Благ, яко в век милость Его. Да речёт úбо дом Израилев: яко Благ, яко в век милость Его. Да речёт úбо дом Аарóнь: яко Благ, яко в век милость Его. Да рекут úбо вси боящиися Господа: яко Благ, яко в век милость Его. От скóрби призвах Господа, и услыша мя в пространство. Господь мне Помóщник, и не убоюся, что сотворит мне человек. Господь мне Помóщник, и аз возрjú на враги моя. Благо есть надéяться на Господа, нежели надéяться на человека. Благо есть уповáти на Господа, нежели уповáти на князи. Вси языцы обыдóша мя, и именем Господним противляхся им, обышэдше обыдóша мя, и именем Господним противляхся им, обыдóша мя, яко пчелы сот, и разгорéшася, яко огонь в тернии, и именем Господним противляхся им. Отриновén превратихся пáсти, и Господь прият мя. Крепость моя и пение моё Господь, и бысть ми во спасение. Глас радости и спасения в селениих праведных: десница Господня сотвори силу. Десница Господня вознесе мя, десница Господня сотвори силу. Не умру, но жив буду, и повею дела Господня. Наказуя наказá мя Господь, смёрти же не предаде мя. Отвёрзите мне врата правды, вшед в ня исповéмся Господеви. Сия врата Господня, праведнии внидут в ня. Исповéмся Тебе, яко услышал мя еси, и был еси мне во спасение. Камень, егóже небрегóша зиждущи, сей бысть во главú угла: от Господа бысть сей, и есть дивен во очесех наших. Сей день, егóже сотвори Господь,

возрадуемся и возвеселимся в оны. О, Господи, спаси же, о Господи, поспеши же. Благословен грядый во имя Господне, благословихом вы из дому Господня. Бог Господь, и явися нам: составите праздник во учающих до рог алтаревых. Бог мой еси Ты, и исповемся Тебе, Бог мой еси Ты, и вознесу Тя. Исповемся Тебе, яко услышал мя еси, и был еси мне во спасение. Исповедайтесь Господеви, яко Благ, яко в век милость Его.

Чтец: Слава Отцу и Сыну и Святому Духу и ныне и присно и во веки веков. **Аминь.**
Аллилуиа, аллилуиа, аллилуиа, слава Тебе Боже. *(Трижды)*
Господи, помилуй. *(Трижды)*

ЕКТЕНИЯ МАЛАЯ:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава и Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

АКАФИСТ ПРЕСВЯТОЙ БОГОРОДИЦЕ:

ПЕРВАЯ СТАТИЯ:

КОНДАК 1:

Хор: Взбранной Воеводе победительная, / яко избавльшися от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

ИКОС 1:

Ангел предстатель с небес послан бысть рещи Богородице: радуйся, и со безплотным гласом воплощаема Тя зря, Господи, ужасашеся и стояше, зовый к Ней таковая:

Радуйся, Ёюже радость возсияет;

радуйся, Ёюже клятва исчезнет.

Радуйся, падшаго Адама воззвание;

радуйся, слез Ёвиных избавление.

Радуйся, высотó неудобовосходима́я человеческими помысли;

радуйся, глубино́ неудобозрима́я и ангельскими очима́.

Рáдуйся, я́ко еси́ Царе́во седа́лище;
рáдуйся, я́ко но́сиши Нося́щаго вся.
Рáдуйся, звездó, явля́ющая Со́лнце;
рáдуйся, утробó Божéственнаго воплощéния.
Рáдуйся, Ё́юже обновля́ется тварь;
рáдуйся, Ё́юже покланя́емся Творцу́.
Рáдуйся, Невéсто// Неневéстная.

Конда́к 2:

Ви́дящи Свята́я Себе́ в чистоте́, глаго́лет Гаври́илу дерзостно: пре-
сла́вное твоего́ гла́са неудобоприятельно ду́ши Моéй явля́ется: без-
се́меннаго бо зачáтия рождество́ ка́ко глаго́леши, зовы́й: **А**ллилу́ия.

Йкос 2:

Рáзум недоразумева́емый разумéти Дéва и́щущи, возопи́ к служа́щему:
из боку́ чисту, Сы́ну ка́ко есть роди́тися мо́щно, рцы Ми? К Ней́же он рече́ со
стра́хом, о́баче зовы́й си́це:

Рáдуйся, сове́та неизречéннаго тайннице;
рáдуйся, молча́ния прося́щих véро.
Рáдуйся, чудéс Христо́вых нача́ло;
рáдуйся, велéний Егó главизно.
Рáдуйся, ле́стнице небéсная, Ё́юже сни́де Бог;
рáдуйся, мо́сте, преводя́й сущих от земли́ на не́бо.
Рáдуйся, А́нгелов многослову́щее чу́до;
рáдуйся, бесóв многоплачéвное пораже́ние.
Рáдуйся, Свет неизречéнно роди́вшая;
рáдуйся, е́же ка́ко, ни еди́наго же научи́вшая.
Рáдуйся, премудрых превосходя́щая ра́зум;
рáдуйся, ве́рных озаря́ющая смы́слы.
Рáдуйся, Невéсто// Неневéстная.

Конда́к 3:

Си́ла Вы́шняго осени́ тогда́ к зачáтию Брако́неиску́сную, и благопло́дная
То́я ложесна́, я́ко село́ показá сладкое, всем хотя́щим жа́ти спасéние, всегда́
пéти си́це: **А**ллилу́ия.

Йкос 3:

Иму́щи Богоприятную Дéва утробó, востече́ ко Елисавети; младе́нец же
о́ноя áбие позна́в Сея́ целова́ние, ра́довашеся, и игра́ньми я́ко пёсньми во-
прия́ше к Богородице:

Рáдуйся, отрасли неувядаемая розгó;
рáдуйся, Плодá безсмёртнаго стяжáние.
Рáдуйся, Делáтеля дéлающая человеколóбца;
рáдуйся, Садíтеля жízни нáшея рóждшая.
Рáдуйся, нíво, растящая гобзовáние щедрóт;
рáдуйся, трапéзо, носящая обíлие очищéний.
Рáдуйся, я́ко рай пíщный процветáеши;
рáдуйся, я́ко пристáнище душáм готóвиши.
Рáдуйся, прíятное молíтвы кадíло;
рáдуйся, всегó мíра очищéние.
Рáдуйся, Бóжие к смёртным благоволéние;
рáдуйся, смёртных к Бóгу дерзновéние.
Рáдуйся, Невéсто// Неневéстная.

КОНДА́К 4:

Бу́рю внутрь имéя помышлéний сумнítельных, целомúдренный Иóсиф смятéся, к Тебé зря небрáчней, и бракоокрáдованную помышлéя, Непорóчная; увéдев же Твоé зачáтие от Дúха Свята, речé: **А**ллилу́ия.

И ХОР СНÓВА ПОÉТ ПÉРВЫЙ КОНДА́К:

Взбрáнной Воевóде победíтельная,/ я́ко избáвльшеся от злых,/ благодáрственная восписúем Ти, рабí Твои́, Богорóдице,/ но, я́ко имúщая держáву непобедíмую,/ от всяких нас бед свободí, да зовём Ти:// рáдуйся, Невéсто Неневéстная.

Хор: **Г**óсподи помíлуй. *(Трижды)*

Слава Отцу и Сыну и Святому Духу.

Чтец: **И** ныне и присно и во веки веков. **А**минь.

КАФÍСМА СЕМНА́ДЦАТАЯ:

Псалом 118:

ПÉРВАЯ СТАТÍЯ:

Чтец: **Б**лажéни непорóчнии в путь, ходя́щи в закóне Госпóдни. Блажéни испытáющи свидéния Егó, всем сёрдцем взы́щут Егó, не дéлающи бо беззакóния, в путéх Егó ходи́ша. Ты заповéдал еси́ заповеди Тво́я сохранíти зело́. Дабы́ испрáвились путиé мой, сохранíти оправдáния Тво́я. Тогда́ не постыжúся, внегда́ призрети́ ми на вся заповеди Тво́я. Исповёмся Тебé в правости сёрдца, внегда́ научíти ми ся судьбáм правды Твое́я. Оправдáния Тво́я сохрáню, не оста́ви менé до зелá. В чесóм испрáвит юнéйший путь свой; внегда́

сохранити словеса Твоя. Всем сердцем моим взысках Тебе, не отрини мене от заповедей Твоих. В сердце моем скрых словеса Твоя, яко да не согрешу Тебе. Благословен еси, Господи: научи мя оправданием Твоим. Устнама моима возвестих вся судьбы уст Твоих. На пути свидений Твоих насладихся, яко о всяком богатстве. В заповедех Твоих поглумлюся, и уразумею пути Твоя. Во оправданиях Твоих поучуся, не забуду словес Твоих. Воздаждь рабу Твоему: живи мя, и сохраню словеса Твоя. Открой очи мои, и уразумею чудеса от закона Твоего. Пришлец аз есмь на земли: не скрый от мене заповеди Твоя. Возлюби душа моя возжелати судьбы Твоя на всякое время. Запретил еси гордым: прокляти уклоняющиеся от заповедей Твоих. Отыми от мене понос и унижение, яко свидений Твоих взысках. Ибо седоша князи, и на мя клеветашу, раб же Твой глумляшеся во оправданиях Твоих: Ибо свидения Твоя поучение мое есть, и совети мои оправдания Твоя. Прильпе земли душа моя: живи мя по словеси Твоему. Пути моя возвестих, и услышал мя еси: научи мя оправданием Твоим: Путь оправданий Твоих вразуми ми, и поглумлюся в чудесах Твоих. Воздрема душа моя от уныния: утверди мя в словесах Твоих. Путь неправды отстави от мене, и законом Твоим помилуй мя. Путь истины избових, и судьбы Твоя не забых. Прилепихся свидением Твоим, Господи, не посрами мене. Путь заповедей Твоих текох, егда расширил еси сердце мое. Законоположи мне, Господи, путь оправданий Твоих, и взыщу и вину: Вразуми мя, и испытаю закон Твой, и сохраню и всем сердцем моим. Настави мя на стезю заповедей Твоих, яко тую восхотех. Приклони сердце мое во свидения Твоя, а не в лихоимство. Отврати очи мои, еже не видети суеты, в пути Твоем живи мя. Постави рабу Твоему слово Твое в страх Твой. Отыми поношение мое, еже непщевах: яко судьбы Твоя благи. Се возжелал заповеди Твоя, в правде Твоей живи мя. И да придет на мя милость Твоя, Господи, спасение Твое по словеси Твоему. И отвещаю поношающим ми слово: яко уповах на словеса Твоя. И не отыми от уст моих словеса истинна до зела, яко на судьбы Твоя уповах. И сохраню закон Твой вину, в век и в век века. И хождях в широте, яко заповеди Твоя взысках. И глаголах о свидениях Твоих пред царя, и не стыдяхся: И поучахся в заповедех Твоих, яже возлюбих зело: И воздвигох рuce мои к заповедем Твоим, яже возлюбих, и глумляхся во оправданиях Твоих. Помяни словеса

Твоя рабу Твоему, ихже упование дал ми еси. То мя утеши во смирении моем, яко слово Твое живи мя. Горди законопреступоваху до зела: от закона же Твоего не уклонихся. Помянух судьбы Твоя от века, Господи, и утешихся. Печаль прият мя от грешник, оставляющих закон Твой. Пета бяху мне оправдания Твоя, на месте пришельствия моего. Помянух в нощи Имя Твое, Господи, и сохраних закон Твой. Сей бысть мне, яко оправданий Твоих взысках. Часть моя еси, Господи, рех сохранити закон Твой. Помолихся лицу Твоему всем сердцем моим: помилуй мя по словеси Твоему. Помыслих пути Твоя, и возвратих нозе мой во свидения Твоя. Уготовихся и не смутихся сохранити заповеди Твоя. Узя грешник обязашася мне, и закона Твоего не забых. Полунощи востах исповедатися Тебе о судьбах правды Твоея. Причастник аз есмь всем боящимся Тебе, и хранящим заповеди Твоя. Милости Твоея, Господи, исполнь земля: оправданием Твоим научи мя. Благодать сотвори еси с рабом Твоим, Господи, по словеси Твоему. Благодати, и наказания и разуму научи мя, яко заповедем Твоим веромах. Прже даже не смирити ми ся, аз прегреших: сего ради слово Твое сохраних. Благ еси Ты, Господи, и благодатию Твоею научи мя оправданием Твоим. Умножися на мя неправда гордых, аз же всем сердцем моим испытаю заповеди Твоя. Усырися яко млеко сердце их, аз же закону Твоему поучихся. Благо мне, яко смирил мя еси, яко да научуся оправданием Твоим. Благ мне закон уст Твоих, паче тысящ злата и сребра.

Чтец: Слава Отцу и Сыну и Святому Духу.

Хор: И ныне и присно и во веки веков. **Аминь.**

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу и Сыну и Святому Духу.

Чтец: И ныне и присно и во веки веков. **Аминь.**

Псалом 118:

Вторая статья:

Руце Твой сотвориште мя, и создасте мя: вразуми мя, и научуся заповедем Твоим. Боящиеся Тебе узрят мя и возвеселятся, яко на словеса Твоя уповах. Разумех Господи, яко правда судьбы Твоя, и воистинну смирил мя еси. Буди же милость Твоя, да утешит мя по словеси Твоему рабу Твоему. Да приидут мне щедроты Твоя, и жив буду, яко закон Твой поучение мое

есть. Да постыдятся горди, яко неправедно беззаконноваша на мя, аз же поглумлюся в заповедех Твоих. Да обратят мя боящиеся Тебе, и ведящие свидения Твоя. Буди сердце мое непорочно во оправданиях Твоих, яко да не постыжуся. Исчезает во спасение Твое душа моя, на словеса Твоя уповах. Исчезоша очи мои в слово Твое, глаголюще: когда утетиши мя? Зане бых яко мех на слане: оправданий Твоих не забуду. Колико есть дней раба Твоего? когда сотвориши ми от гонящих мя суд? Поведаша мне законопреступницы глумления, но не яко закон Твой, Господи. Вся заповеди Твоя истина: неправедно погнаша мя, помози ми. Вмале не скончаша мене на земли: аз же не оставих заповедей Твоих. По милости Твоей живи мя, и сохраню свидения уст Твоих. Во век, Господи, слово Твое пребывает на Небеси. В род и род истина Твоя. Основал еси землю, и пребывает. Учинением Твоим пребывает день, яко всяческая работна Тебе. Яко аще бы не закон Твой поучение мое был, тогда убо погибл бых во смирении моем. Во век не забуду оправданий Твоих, яко в них оживил мя еси. Твой есмь аз, спаси мя, яко оправданий Твоих взысках. Мене ждаша грешницы погубити мя, свидения Твоя разумех. Всякия кончины видех конец, широка заповедь Твоя зело. Коль возлюбил закон Твой, Господи, весь день поучение мое есть. Паче враг моих умудрил мя еси заповедию Твоею, яко в век моя есть. Паче всех учащих мя разумех, яко свидения Твоя поучение мое есть. Паче старец разумех, яко заповеди Твоя взысках. От всякаго пути лукава возбранил ногам моим, яко да сохраню словеса Твоя. От судьб Твоих не уклонихся, яко Ты законоположил ми еси. Коль сладка гортани моему словеса Твоя, паче меда устам моим. От заповедей Твоих разумех, сего ради возненавидех всяк путь неправды. Светильник ногама моима закон Твой, и свет стезям моим. Кляхся и поставил сохранити судьбы правды Твоея. Смирись до зела, Господи, живи мя по словеси Твоему. Больная уст моих благоволи же, Господи, и судьбам Твоим научи мя. Душа моя в руку Твоею вину, и закона Твоего не забуду. Положиша грешницы сеть мне, и от заповедей Твоих не заблудих. Наследовах свидения Твоя во век, яко радование сердца моего суть. Приклонил сердце мое сотворити оправдания Твоя во век за воздаяние. Законопреступная возненавидех, закон же Твой возлюбил. Помощник мой и Заступник мой еси Ты, на словеса Твоя уповах. Уклонитесь от мене лу-

кавнующи, и испытаю заповеди Бóга моего. Заступи́ мя по словеси́ Твоему́, и жив б́уду, и не посрамí мене́ от чая́ния моего́. Помози́ ми, и спасу́ся, и поучу́ся во оправда́ниях Твои́х ви́ну. Уничжи́л еси́ вся отступа́ющия от оправда́ний Твои́х, я́ко непра́ведно помышле́ние их. Преступа́ющия непщевáх вся грешны́я земли́, сегó ра́ди возлюбíх свидéния Твоя́. Пригвозди́ стра́ху Твоему́ плóти моя́, от суде́б бо Твои́х убо́яхся. Сотвори́х суд и пра́вду, не преда́ждь мене́ обидя́щим мя. Восприими́ раба́ Твоего́ во бла́го, да не оклеветáют мене́ гóрдии. Óчи мой исчезóсте во спасéние Твое́, и в сло́во пра́вды Твоея́. Сотвори́ с рабо́м Твои́м по ми́лости Твое́й, и оправда́нием Твои́м научи́ мя. Раб Твой есмь аз: вразуми́ мя, и увéм свидéния Твоя́. Вре́мя сотвори́ти Гóсподеви: разори́ша зако́н Твой. Сегó ра́ди возлюбíх заповеди Твоя́ па́че зláта и топа́зия. Сегó ра́ди ко всем за́поведем Твои́м направля́хся, всяк путь непра́вды возненави́дех. Дивна́ свидéния Твоя́, сегó ра́ди испыта́ я душа́ моя́. Явле́ние словéс Твои́х просвещáет и вразумля́ет младéнцы. Уста́ моя́ отверзо́х, и привлеко́х дух, я́ко за́поведей Твои́х желáх.

Чтец: Сла́ва Отцу́ и Сы́ну и Свято́му Ду́ху.

Хор: И ны́не и прísно и во ве́ки веко́в. **Ами́нь.**

Аллилу́иа, аллилу́иа, аллилу́иа, сла́ва Тебе́ Бóже. *(Трижды)*

Гóсподи, поми́луй. *(Трижды)*

Сла́ва Отцу́ и Сы́ну и Свято́му Ду́ху.

Чтец: И ны́не и прísно и во ве́ки веко́в. **Ами́нь.**

Псалом 118:

Третья статья:

При́зри на мя и поми́луй мя, по суду́ любящих íмя Твое́. Стопы́ моя́ напра́ви по словеси́ Твоему́, и да не облада́ет мно́ю вся́кое беззакóние. Изба́ви мя от клеветы́ челове́ческа, и сохраню́ заповеди Твоя́. Лице́ Твое́ просвети́ на раба́ Твоего́, и научи́ мя оправда́нием Твои́м. Исхо́дища водна́я изведóсте óчи мой, понéже не сохрани́х зако́на Твоего́. Пра́веден еси́, Гóсподи, и пра́ви суди́ Твои́. Заповéдал еси́ пра́вду свидéния Твоя́, и íстину зело́. Иста́яла мя есть ре́вность Твоя́, я́ко забы́ша словеса́ Твоя́ врази́ мой. Разжже́но сло́во Твое́ зело́, и раб Твой возлюбí е. Юне́йший аз есмь и уничи́жен, оправда́ний Твои́х не забы́х. Пра́вда Твоя́ пра́вда во век, и зако́н Твой íстина. Ско́рби и ну́жды обретóша мя, заповеди Твоя́ поучéние мое́. Пра́вда свидéния Твоя́ в век, вразуми́ мя, и жив б́уду. Воззва́х всем се́рдцем мои́м, услы́ши мя, Гóсподи, оправда́ния

Твоя възшү. Воззвах Ти, спаси мя, и сохраню свидения Твоя. Предварих в безгодии и воззвах, на словеса Твоя уповах. Предваристе очи мои ко утру, поучитися словесем Твоим. Глас мой услыши, Господи, по милости Твоей: по судьбе Твоей живи мя. Приблужишася гонящии мя беззаконием, от закона же Твоего удалишася. Близ еси Ты, Господи, и вси путие Твоя истина. Исперва познах от свидений Твоих, яко в век основал я еси. Види смирение мое и измени мя, яко закона Твоего не забых. Суди суд мой и избави мя, словесе ради Твоего живи мя. Далече от грешник спасение, яко оправданий Твоих не взыскаша. Щедроты Твоя многи, Господи, по судьбе Твоей живи мя. Мнози изгонящии мя и стужающии ми, от свидений Твоих не уклонихся. Видех неразумеваяущия и истаях, яко словес Твоих не сохранюша. Види, яко заповеди Твоя возлюбих, Господи, по милости Твоей живи мя. Начало словес Твоих истина, и во век вся судьбы правды Твоея. Князи погнаша мя туе, и от словес Твоих убоися сердце мое. Возрадуяю аз о словесех Твоих, яко обретаяи користь многу. Неправду возненавидех и омерзих, закон же Твой возлюбих. Седмерицею днем хвалих Тя о судьбах правды Твоея. Мир мног любящим закон Твой, и несть им соблазна. Чаях спасения Твоего, Господи, и заповеди Твоя возлюбих. Сохрани душа моя свидения Твоя и возлюби я зело. Сохраних заповеди Твоя и свидения Твоя, яко вси путие мои пред Тобю, Господи. Да приблизится моление мое пред Тя, Господи, по словеси Твоему вразуми мя. Да внидет прошение мое пред Тя, Господи, по словеси Твоему избави мя. Отринути устне мои пение, егда научиши мя оправданием Твоим. Провещает язык мой словеса Твоя, яко вся заповеди Твоя правда. Да будет рука Твоя еже спасти мя, яко заповеди Твоя избвоших. Возжелалх спасение Твое, Господи, и закон Твой поучение мое есть. Жива будет душа моя и восхвалит Тя, и судьбы Твоя помогут мне. Заблудих, яко овча погибшее, възши раба Твоего, яко заповедей Твоих не забых.

Чтец: Слава Отцу и Сыну и Святому Духу и ныне и присно и во веки веков. Аминь.
Аллилуиа, аллилуиа, аллилуиа, слава Тебе Боже. *(Трижды)*

ЕКТЕНИЯ МАЛАЯ:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Благ и Человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

АКАФИСТ ПРЕСВЯТОЙ БОГОРОДИЦЕ:

ВТОРАЯ СТАТИЯ:

КОНДАК 1:

Хор: Взбранной Воеводе победительная, / яко избавльшися от злых, / благодарственная воспоем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

ИКОС 4:

Слышаша пастырие Ангелов поющих плотское Христово пришествие, и темже яко к Пастырю видят Сего яко агнца непорочна, во чреве Мариине упасшася, Юже поюще реша:

Радуйся, Агнца и Пастыря Мати;

радуйся, дворе словесных овец.

Радуйся, невидимых врагов мучение;

радуйся, райских дверей отвержение.

Радуйся, яко небесная срадуются земным;

радуйся, яко земная сликовствуют небесным.

Радуйся, апостолов немолчная уста;

радуйся, страстотерпцев непобедимая дерзосте.

Радуйся, твердое веры утверждение;

радуйся, светлое благодати познание.

Радуйся, Юже обнажися ад;

радуйся, Юже облекохомся славою.

Радуйся, Невесто // Неневестная.

КОНДАК 5:

Боготечную звезду узревше волсви, тоя последоваша заре, и яко светильник держаще ю, тою испытаху крепкаго Царя, и достигше Непостижимаго, возрадовашася, Ему вопиюще: Аллилуйя.

Ўкос 5:

Видеша отроцы халдейсти на руку Девичу Создавшего руками человеки, и Владыку понимающе Его, аще и рабий прият зрак, потщашася дарми послужити Ему, и возопити Благословенней:

- Р**адуйся, звезды незаходимыя Мати;
- р**адуйся, заре таинственного дне.
- Р**адуйся, прелести пещь угасившая;
- р**адуйся, Троицы тайники просвещающая.
- Р**адуйся, мучителя безчеловечного изметающая от начальства;
- р**адуйся, Господа человеколюбца показавшая Христа.
- Р**адуйся, варварскаго избавляющая служения;
- р**адуйся, тмения изымающая дел.
- Р**адуйся, огня поклонение угасившая;
- р**адуйся, пламене страстей изменяющая.
- Р**адуйся, верных наставнице целомудрия;
- р**адуйся, всех родов веселие.
- Р**адуйся, Невесто// Невестная.

Кондак 6:

Проповедницы богоноснии, бывше волсви, возвратишася в Вавилон, скончавше Твое пророчество, и проповедавше Тя Христа всем, оставиша Ирода яко буесловяща, не ведуща пети: Аллилуйя.

Ўкос 6:

Возсиявый во Египте просвещение истины, отгнал еси лжи тьму: идоли бо его, Спасе, не терпяще Твоея крепости, падоша, сих же избавльшиися вопияху к Богородице:

- Р**адуйся, исправление человеков;
- р**адуйся, низпадение бесов.
- Р**адуйся, прелести державу поправшая;
- р**адуйся, идольскую лесь обличившая.
- Р**адуйся, море, потопившее фараона мысленного;
- р**адуйся, камению, напоивший жаждущия жизни.
- Р**адуйся, огненный столпе, наставляяй сущия во тьме;
- р**адуйся, покрове миру, ширший облака.
- Р**адуйся, пище, манны приемнице;
- р**адуйся, сладости святых служительнице.

Рáдуйся, землѣ обетовáния;
рáдуйся, из неяже течѣт мед и млекó.
Рáдуйся, Невѣсто// Неневѣстная.

Кондáк 7:

Хотящу Симеóну от нынѣшняго вѣка престáвитися прелѣстнаго, вдáлся есѣ я́ко младенец томú, но позна́лся есѣ ему́ и Бог соверше́нный. Тѣмже уди́вися Твое́й неизрече́нной премúдрости, зовѣй: **А**ллилу́ия.

И ХОР СНÓВА ПОѢТ ПѢРВЫЙ КОНДÁК:

Взбрáнной Воево́де победíteльная,/ я́ко избáвльшеся от злых,/ благода́рственная воспису́ем Ти, рабѣ Твоѣ, Богородице,/ но, я́ко имúщая держа́ву непобедíмую,/ от всяких нас бед свободѣ, да зовѣм Ти:// рáдуйся, Невѣсто Неневѣстная.

Чтец: **Г**óсподи, помѣлуй. *(Трижды)*

Слáва Отцú и Сýну и Свято́му Дúху и ны́не и прѣсно и во вѣки веко́в. **А**ми́нь.

Псалóм 50:

Помѣлуй мя, Бóже, по вели́цей мѣлости Твое́й, и по мно́жеству щедро́т Твоѣх очѣисти беззакóние моѣ. Наипáче омѣй мя от беззакóния моего́, и от грехá моего́ очѣисти мя. Я́ко беззакóние моѣ аз зна́ю и грех мой предо мно́ю есть вѣну. Тебѣ Еди́ному согреших, и лука́вое пред Тобóю сотворих, я́ко да оправди́шия во словесѣх Твоѣх и победи́ши, внегда́ суди́ти Ти. Се бо в беззакóнных зачат есмь, и во гресѣх роди́ мя ма́ти моя́. Се бо ѣстину возлюбѣл есѣ, безвѣстная и та́йная премúдрости Твоея́ явил ми есѣ. Окропи́ши мя иссо́пом, и очѣщуся, омѣеши мя, и па́че снѣга убелю́ся. Слúху моему́ да́си рáдость и весѣлие, возра́дуются ко́сти смире́нныя. Отврати́ лице́ Твое́ от грех мои́х, и вся беззакóния моя́ очѣисти. Сѣрдце чѣсто сози́жди во мне, Бóже, и дух прав обнови́ во утробѣ мое́й. Не отвержи мене́ от лица́ Твоего́, и Дúха Твоего́ Свята́го не отыми́ от мене́. Возда́ждь ми рáдость спасѣния Твоего́, и Дúхом Влады́чним утверди́ мя. Научú беззакóнныя путе́м Твоѣм, и нечестѣвнии к Тебѣ обратя́тся. Избáви мя от крове́й, Бóже, Бóже спасѣния моего́, возра́дуется язы́к мой правде Твое́й. Гóсподи, устне́ мои́ отверзеши, и уста́ моя́ возвестя́т хвалу́ Твою́. Я́ко áще бы восхотѣл есѣ́ жѣртвы, дал бых úбо, всесо́жжения не благово́лиши. Жѣртва Бóгу дух сокруше́н, сѣрдце сокруше́нно и смире́нно Бог не уничи́жит. Ублажи́, Гóсподи, благово́лением Твоѣм Сиóна, и да сози́ждутся стѣны́ Иерусали́мския, тогда́ благово́лиши жѣртву правды, возноше́ние и всесожега́емая: тогда́ возложáт на олта́рь Твой тельцы́.

КАНОН:

В 1-5 песнях:

В храме Господском – канон храма со ирмосом на 6 (ирмосы по дважды) и праздника Богородицы (Триоди) на 6.

В храме святого – канон праздника Богородицы (Триоди) со ирмосом на 6 (ирмосы по дважды) и храма на 6.

В ХРАМЕ БОГОРОДИЦЫ:

ПЕСНЬ 1.

КАНОН ПРАЗДНИКА БОГОРОДИЦЫ (ТРИОДИ), ГЛАС 4 (НА 12):

Ирмос: **Отверзу уста моя,/ и наполнятся Духа,/ и слово отрыгну Царице Матери,/ и явлюся, светло торжествуя,// и воспою, радуясь, Тоя чудеса. (Дважды)**

Припев: **Пресвятая Богородице, спаси нас.**

Христову книгу одушевленную, запечатленную Тя Духом,/ великий Архангел, Чистая, зря возглашаше Ти:/ радуйся, радости приятелище,// Ёюже праматерняя клятва разрешится. (Трижды)

Припев: **Пресвятая Богородице, спаси нас.**

Адамово исправление, радуйся/ Дево Богоневесто, адово умерщвление./ Радуйся Всенепорочная, палато всех Царя:// радуйся, престоле огненный Вседержителя. (Трижды)

Припев: **Пресвятая Богородице, спаси нас.**

Цвете неувядаемый, радуйся/ едина прозябшая яблоко благовонное./ Радуйся рождающая благоухание единого Царя.// Радуйся Неискуобращная, миру спасение. (Дважды)

Припев: **Слава Отцу и Сыну и Святому Духу.**

Чистоты сокровище, радуйся,/ Ёюже от падения нашего востаном./ Радуйся, сладкоуханный крине Владычице,/ верных благоухай, кадило благовонное,// и миро многоценное.

Припев: **И ныне и присно и во веки веков. Аминь.**

Чистоты сокровище, радуйся,/ Ёюже от падения нашего востаном./ Радуйся, сладкоуханный крине Владычице,/ верных благоухай, кадило благовонное,// и миро многоценное.

КАТАВАСИЯ:

Отверзу уста моя,/ и наполнятся Духа,/ и слово отрыгну Царице Матери,/ и явлюся, светло торжествуя,// и воспою, радуясь, Тоя чудеса.

ПЕСНЬ 3:

Канон праздника Богородицы (Триоди), глас 4 (на 12):

Ирмос: Твоя песнословцы, Богородице,/ Живый и Независтный Источниче,/ лик себе совокупльшия, духовно утверди,/ в Божественней Твоей славе// венцев славы сподоби. *(Дважды)*

Припев: Пресвятая Богородице, спаси нас.

Клас прозябшая Божественный, яко нива неоранная яве,/ радуйся одушевленная трапезо, хлеб животный вмещающая.// Радуйся, животная воды источниче неистощаемый, Владычице. *(Трижды)*

Припев: Пресвятая Богородице, спаси нас.

Юнице Юнца рождающая непорочного, радуйся верным./ Радуйся Агнице, рождающая Божияго Агнца,/ вземлющего мира всего прегрешения.// Радуйся теплое очистилище. *(Трижды)*

Припев: Пресвятая Богородице, спаси нас.

Утро светлейшее, радуйся/ едина Солнца носящая Христа, света жилище./ Радуйся, тьму разрушившая,// и мрачные бесы отнюд отгнавшая. *(Дважды)*

Припев: Слава Отцу и Сыну и Святому Духу.

Радуйся, двере едина,/ Еюже Слово пройде едино,/ вереи и врата адова, Владычице, Рождеством Твоим сокрушившая.// Радуйся, Божественный входе спасаемых, Богоневесто.

Припев: И ныне и присно и во веки веков. Аминь.

Радуйся, двере едина,/ Еюже Слово пройде едино,/ вереи и врата адова, Владычице, Рождеством Твоим сокрушившая.// Радуйся, Божественный входе спасаемых, Богоневесто.

КАТАВАСИЯ:

Твоя песнословцы, Богородице,/ Живый и Независтный Источниче,/ лик себе совокупльшия, духовно утверди,/ в Божественней Твоей славе// венцев славы сподоби.

ЕКТЕНИЯ МАЛАЯ:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Ты еси Бог наш, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

АКАФИСТ ПРЕСВЯТОЙ БОГОРОДИЦЕ:

ТРЕТИЯ СТАТИЯ:

КОНДАК:

Хор: Взбранной Воеводе победительная, / яко избавльшеся от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

ИКОС 7:

Новую показá тварь, явлься Зиждитель нам от Него бывшим, из безсеменная прозяб утробы, и сохранив Ю, якоже бе, нетленну, да чудо видяще, воспоём Ю, вопиюще:

Радуйся, цвѣте нетлѣния;

радуйся, вѣнче воздержанія.

Радуйся, воскресенія образ облистáющая;

радуйся, ангельское житиѣ являющая.

Радуйся, древо светлоплодовитое, от негоже питаются вернии;

радуйся, древо благосеннолиственное, имже покрывáются мнози.

Радуйся, во чреве носящая Избавителя плененным;

радуйся, рождшая Наставника заблуждшим.

Радуйся, Судии праведнаго умолѣние;

радуйся, многих согрешений прощѣние.

Радуйся, одеждо нагих дерзновѣния;

радуйся, любы, всякое желаніе побеждающая.

Радуйся, Невесто // Неневестная.

КОНДАК 8:

Странное рождество видевше, устранимся мира, ум на небеса преложше: сего бо ради высокий Бог на земли явился смиренный человек, хотяй привлещи к высотѣ Тому вопиющия: Аллилуія.

ИКОС 8:

Весь бе в нижних и вышних никакоже отступи неописанное Слово: снижение бо Божественное, не прехождение же местное бысть, и рождество от Девы Богоприятная, слышащая сия:

- Р**адуйся, Бога неместимаго вместилище;
- р**адуйся, честнаго таинства двери.
- Р**адуйся, неверных сумнительное слышание;
- р**адуйся, верных известная похвало.
- Р**адуйся, колеснице пресвятая Сущаго на Херувимех;
- р**адуйся, селение преславное Сущаго на Серафимех.
- Р**адуйся, противная в тожде собравшая;
- р**адуйся, девство и рождество сочетавшая.
- Р**адуйся, Еюже разрешился преступление;
- р**адуйся, Еюже отверзся рай.
- Р**адуйся, ключу Царствия Христова;
- р**адуйся, надеждо благ вечных.
- Р**адуйся, Невесто// Невестная.

Кондак 9:

Всякое естество ангельское удивися великому Твоего вочеловечения делу; неприступнаго бо яко Бога, зряще всем приступнаго Человека, нам убо спребывающа, слышаща же от всех: **А**ллилуия.

Икос 9:

Ветия многовещанная, яко рыбы безгласныя видим о Тебе, Богородице, недоумевают бо глаголати, еже како и Дева пребываеши, и родити возмогла еси. Мы же, таинству дивящися, верно вопием:

- Р**адуйся, премудрости Божия приятелище;
- р**адуйся, промысления Его сокровище.
- Р**адуйся, любомудрая немудрая являющая;
- р**адуйся, хитрословесныя безсловесныя обличающая.
- Р**адуйся, яко обуяша лютии взыскателе;
- р**адуйся, яко увядоша баснотворцы.
- Р**адуйся, афинейская плетения растерзающая;
- р**адуйся, рыбарския мрежи исполняющая.
- Р**адуйся, из глубины неведения извлекающая;
- р**адуйся, многи в разуме просвещающая.
- Р**адуйся, кораблю хотящих спастися;

ра́дуйся, пристáнище житéйских пла́ваний.

Ра́дуйся, Невéсто// Неневéстная.

Конда́к 10:

Спасти́ хотя́ мир, Иже всех Укра́ситель, к сему́ самообетова́н при́де, и Па́стырь сый, я́ко Бог, нас ра́ди яви́ся по нам челове́к: подо́бным бо подо́бное призва́в, я́ко Бог слы́шит: Аллилу́ия.

И ХОР СНОВА ПОЕТ ПЕРВЫЙ КОНДАК:

Взбра́нной Воево́де победи́тельная,/ я́ко изба́вльшеся от злых,/ благода́рственная воспису́ем Ти, раба́ Твои́, Богоро́дице,/ но, я́ко иму́щая держа́ву непобеди́мую,/ от всяких нас бед свободи́, да зове́м Ти:// ра́дуйся, Невéсто Неневéстная.

СЕДАЛЕН ТРИОДИ, ГЛАС 1, ПОДОБЕН: «ГРОБ ТВОЙ...»:

Чтец: **Вели́кий во́ин невещéственных А́нгелов, во град Назарéт предста́в, Царя́ возвещáет Твоего́, Чистая, и веко́в Го́спода: ра́дуйся, глаго́ля Тебе́, благосло́венная Мари́е, непостижи́мая и несказáнная глубино́, челове́ков воззвáние.**

Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.

ТОТ ЖЕ СЕДАЛЕН, ГЛАС 1:

Вели́кий во́ин невещéственных А́нгелов, во град Назарéт предста́в, Царя́ возвещáет Твоего́, Чистая, и веко́в Го́спода: ра́дуйся, глаго́ля Тебе́, благосло́венная Мари́е, непостижи́мая и несказáнная глубино́, челове́ков воззвáние.

ПРОДОЛЖАЕМ КАНОН:

В 1-5 песнях:

В храме Господском – канон храма со ирмосом на 6 (ирмосы по дважды) и праздника Богородицы (Триоди) на 6.

В храме святого – канон праздника Богородицы (Триоди) со ирмосом на 6 (ирмосы по дважды) и храма на 6.

В ХРАМЕ БОГОРОДИЦЫ:

ПЕСНЬ 4:

КАНОН ПРАЗДНИКА БОГОРОДИЦЫ (ТРИОДИ), ГЛАС 4 (НА 12):

Ирмо́с: **Седя́й в Сла́ве/ на Престо́ле Божества́/ во о́блаце лёгце,/ при́де Иису́с Пребоже́ственный,/ Нетле́нною Длáнию/ и спасé зову́щия:// сла́ва, Христé, силе́ Твое́й. (Дважды)**

Припев: **Пресвята́я Богоро́дице, спаси́ нас.**

Во гла́сах пéний, Де́во,/ Тебе́ вопие́м, Всепе́тая:/ ра́дуйся, ту́чная горó и усыре́нная Ду́хом./ Ра́дуйся све́щнице, и ста́мно ма́нну нося́щая,// услажда́ющая всех благочестíвых чу́вства. (Дважды)

Припев: **Пресвята́я Богоро́дице, спаси́ нас.**

Очистилице миру, радуйся, Пречистая Владычице./ Радуйся лестнице, от земли всех возвысившая благодатию./ Радуйся мосте, воистинну проводяй всех// от смерти к животу поющих Тя. *(Дважды)*

Припев: Пресвятая Богородице, спаси нас.

Небес превышшая, радуйся, земли основание/ в Твоих ложеснах Пречистая, нетрудно носившая./ Радуйся червлице, багряницу Божественную омочившая,// от кровей Твоих, Цареве силам. *(Дважды)*

Припев: Пресвятая Богородице, спаси нас.

Законодательница рождающая истинного, радуйся, Владычице,/ беззакония всех туне очищающая./ Недоверенная глубина, высота неизреченная, браконеприятная,// Еюже мы обожимся. *(Дважды)*

Припев: Слава Отцу и Сыну и Святому Духу.

Тя исплетшую миру нерукотворенный венец песнопевим,/ радуйся, Тебе Дево зовущая: хранилище всех и ограждение, и утверждение,// и священное прибежище.

Припев: И ныне и присно и во веки веков. Аминь.

Тя исплетшую миру нерукотворенный венец песнопевим,/ радуйся, Тебе Дево зовущая: хранилище всех и ограждение, и утверждение,// и священное прибежище.

КАТАВАСИЯ:

Сяди в Славе/ на Престоле Божества/ во облаце легце,/ прииде Иисус Пребожественный,/ Нетленной Дланию/ и спасе зовущия:// слава, Христе, силе Твоей.

ПЕСНЬ 5:

Канон праздника Богородицы (Триоди), глас 4 (на 12):

Ирмос: Ужасошася всяческая/ о Божественной славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси Безлетного Сына,/ всем воспевающим Тя// мир подающая. *(Дважды)*

Припев: Пресвятая Богородице, спаси нас.

Путь рождающая жизни, радуйся Пренепорочная,/ от потопа греховного мир спасающая:/ радуйся Богоневесто, слышание и глаголение страшное:// радуйся пребывание Владыки твари. *(Дважды)*

Припев: Пресвятая Богородице, спаси нас.

Крепость и утверждение человеков, радуйся Пречистая,/ место освящения славы, умерщвление адово, чертоже всесветлый./ Радуйся Ангелов радости:// радуйся помощи верно молящихся Тебе. *(Дважды)*

Припев: Пресвятая Богородице, спаси нас.

Огнеобразная колеснице Слова, радуйся Владычице,/ одушевленный раб, древо посреде имущи жизни Господа,// Егоже сладость оживотворяет верою причащающихся, и тли подклонившихся. *(Дважды)*

Припев: Пресвятая Богородице, спаси нас.

Укрепляеми силою Твоею, верно вопием Ти:/ радуйся, граде всех Царя,/ преславная и достослышанная о Нейже глаголана быша яве, горб несекомая:// радуйся глубино неизмеримая. *(Дважды)*

Припев: Слава Отцу и Сыну и Святому Духу.

Пространное селение Слова, радуйся Пречистая,/ сосуде, Божественный бисер произведшая./ Радуйся, всечудное всех к Богу примирение,// блажащих Тя, Богородице, всегда.

Припев: И ныне и присно и во веки веков. Аминь.

Пространное селение Слова, радуйся Пречистая,/ сосуде, Божественный бисер произведшая./ Радуйся, всечудное всех к Богу примирение,// блажащих Тя, Богородице, всегда.

КАТАВАСИЯ:

Ужасошася всяческая/ о Божественной славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси Безлетного Сына,/ всем воспевающим Тя// мир подавающая.

В 6-9 песнях:

Канон храма не поётся.

ВО ВСЕХ ХРАМАХ:

ПЕСНЬ 6:

КАНОН ПРАЗДНИКА БОГОРОДИЦЫ (Триоди), глас 4 (на 6):

Ирмос: Божественное сие и всечестное/ совершающе празднество,/ Богомудрии, Богоматере,/ приидите, руками восплещим,// от Ней рождаемого Бога славим. *(Дважды)*

Припев: Пресвятая Богородице, спаси нас.

Чертже Слова нескверный, вина всех обожения,/ радуйся Пречистая, пророков оглашение:// радуйся, апостолов удобрение.

Припев: Пресвятая Богородице, спаси нас.

От Тебе роса укану, пламень многобожия угасившая./ Тем вопием Ти:// радуйся, руну одушевленное, еже Гедеон, Дево, предвиде.

Припев: Пресвятая Богородице, спаси нас.

Се Тебѣ [Дѣво] радуйся, зовѣм:/ пристанище нам буди влающимся,/ и отиши в пучине скорбей, // и соблазнов всех борителя.

Припев: Пресвятая Богородице, спаси нас.

Радости вина, облагодати наш помысл, еже звати Тебѣ:/ радуйся неопалимая купино, облаче всесветлый, // верныя непрестанно осеняющий.

ЧЕТВЕРОПЕСНЕЦ ПЕРВЫЙ, ГЛАС 6:

Припев: Святѣи мученицы, молите Бога о нас.

Пострадавшие мученицы/ и, яко камень избранное, по земли валяющееся,/ зиждительство всякое врага совершенно превратиша // и храми Бога Живаго явишася.

Припев: Святѣи мученицы, молите Бога о нас.

Вас молим, течение доброе совершивших, мученицы,/ поста течение теши нас добре укрепите, // добродетелей совершением просиявших.

Припев: Святѣи мученицы, молите Бога о нас.

Рабы Твоя, Владыко,/ представляшися от земли к Тебѣ, Преплагому,/ Твоего Царствия сотвори общники, // Божественных мученик Твоих священными ходатайствы, Многомилостиве.

Припев: Пресвятая Богородице, спаси нас.

Богородичен: Единая Всепетая,/ поющим Тя верно, грехов оставление/ и дарований Божественных часть даться, // Всесвятому Слову молися, Мати Дѣво.

ЧЕТВЕРОПЕСНЕЦ ВТОРОЙ, ГЛАС 5:

Припев: Святѣи мученицы, молите Бога о нас.

Память совершающе мученик,/ Господеви возслем песни, // днесь Божественно веселящаяся.

Припев: Пресвятая Богородице, спаси нас.

Мечев и огня не убоившася,/ дерзающе в вере страстотерпцы, // мучители в сем уязвите.

Слава Отцу и Сыну и Святому Духу.

Троичен: Троицу Лицы воспеваяю Тя,/ Единице по существу поклоняюся, // Тебѣ, Отче, Сыне и Духе Святѣи.

И ныне и присно и во веки веков. Аминь.

Богородичен: Ангел и человек благоволение еси, // яко родила еси, Дѣво, Христа, Спаса душам нашим.

Припев: Дивен Бог во святых Своих, / Бог Израилев.

Смертию живёт пренёвше,/ радуется, на Небесех живуще, // страсто-
тёрпцы преслávнии Христá Бóга.

Припев: Души их во благих водворятсЯ.

Смертию и животом обладай,/ верою престáвльшиЯ от жития, Хри-
сте, // со святými Твоими упокой.

КАТАВАСИЯ, ГЛАС 5:

От кита пророка избáвил еси,/ мене же из глубины грехов возве-
ди, // Гóсподи, и спаси мя.

ЕКТЕНИЯ МАЛАЯ:

Диáкон: Паки и паки миром Гóсподу помóлимся.

Хор: Гóсподи, помилуй.

Диáкон: Заступи, спаси, помилуй и сохрани нас, Бóже, Твоёю благодáтию.

Хор: Гóсподи, помилуй.

Диáкон: Пресвятую, Пречистую, Преблагословенную, Славную Владычицу нашу Богородицу и Приснодеву
Марию, со всеми святými помянуvше, сами себе и друг друга, и весь живóт наш Христу́ Бóгу предадим.

Хор: Тебé, Гóсподи.

Иерей: Ты бо еси́ Царь мiра и Спас душ наших, и Тебé славу воссылаём, Отцу́ и Сыну́ и Святому́
Духу, ныне и присно и во веки веков.

Хор: Амiнь.

АКАФИСТ ПРЕСВЯТОЙ БОГОРОДИЦЕ:

ЧЕТВЕРТАЯ СТАТИЯ:

КОНДАК 1:

Хор: Взбранной Воеводе победительная,/ яко избáвльшесЯ от злых,/ благо-
дárственная восписуём Ти, раби́ Твои́, Богородице,/ но, яко имущая дер-
жаву непобедимую,/ от всяких нас бед свободи́, да зовём Ти: // радуйся, Не-
вёсто Невёстная.

И́кос 10:

Стенá еси́ девам, Богородице Дéво, и всем к Тебé прибегающим: ибо не-
бесé и земли́ Творец устрои́ Тя, Пречистая, вселься во утробе Твоёй, и вся
приглашати Тебé научи́:

Рáдуйся, столпе дéвства;

рáдуйся, дверь спасения.

Рáдуйся, начальнице мысленнаго наздания;

рáдуйся, подательнице Божественныя благасти.

Рáдуйся, Ты бо обновила еси́ зачатыя стóдно;

Рáдуйся, Ты бо наказáла еси окрáденныя умóм.

Рáдуйся, тлителя смýслов упражднѣющая;

Рáдуйся, Сѣятеля чистоты́ рóждшая.

Рáдуйся, черто́же безсе́меннаго уневе́щения;

Рáдуйся, вѣрных Гóсподеви сочетáвшая.

Рáдуйся, дóбрая младопитáтельница дѣвам;

Рáдуйся, невестокрасítельнице душ святых.

Рáдуйся, Невѣсто// Неневѣстная.

Конда́к 11:

Пѣние всякое побежда́ется, спрострѣтися тцáщеся ко мнóжеству мнóгих щедрóт Твоих: равночísленныя бо пескá пѣсни áще принóсим Ти, Царю́ святых, ничто́же соверша́ем достóйно, я́же дал еси́ нам, Тебѣ вопи́ющим: **А**ллилу́ия.

Йкос 11:

Светопріѣмную свещу́, сущим во тьме явльшуюся, зрим святую́ Дѣву, невестче́ственный бо вжигáющи огонь, наставля́ет к рáзуму Божѣственному вся, зарѣю ум просвещáющая, звáнием же почита́емая, сими:

Рáдуйся, луче́ умнаго Сóлнца;

рáдуйся, свети́ло незаходи́мага Свѣта.

Рáдуйся, мо́лние, ду́ши просвещáющая;

рáдуйся, я́ко гром, враги́ устраша́ющая.

Рáдуйся, я́ко многосвѣтлое возсия́вæши просвещѣние;

рáдуйся, я́ко многотеку́щую источáеши реку́.

Рáдуйся, купѣли живопису́ющая о́браз;

рáдуйся, грехóвную отъѣмлю́щая сквѣрну.

Рáдуйся, ба́не, омы́вающая со́весть;

рáдуйся, ча́ше, че́рплющая ра́дость.

Рáдуйся, обонѣние Христо́ва благоухáния;

рáдуйся, животѣ та́йнаго весѣлия.

Рáдуйся, Невѣсто// Неневѣстная.

КОНДАК 12:

Благодать дати восхотев, долгов древних, всех долгов Решитель человеком, прииде Собою ко отшедшим Того благодати, и раздрав рукописание, слышит от всех сице: **А**ллилу́ия.

И́кос 12:

Поюще Твое Рождество, хвалим Тя вси, яко одушевленный храм, Богородице: во Твоей бо вселився утробе содержи вся рукою Господь, освяти, прослави и научи вопити Тебе всех:

Радуйся, селение Бога и Слова;
радуйся, святая святых большая.
Радуйся, ковчеже, позлащенный Духом;
радуйся, сокровище живота неистощимое.
Радуйся, честный венец царей благочестивых;
радуйся, честная похвала иереев благоговейных.
Радуйся, Церкви непоколебимый столпе;
радуйся, Царствия нерушимая стена.
Радуйся, Еюже воздвигнутся победы;
радуйся, Еюже низпадают вразы.
Радуйся, тела моего врачевание;
радуйся, души моей спасение.
Радуйся, Невесто// Неневестная.

КОНДАК 13:

О, Всепетая Мати, рождающая всех святых Святейшее Слово! Нынешнее приемши приношение, от всякия избави напасти всех, и будущия изми муки, о Тебе вопиющих: **А**ллилу́ия. *(Кондак читается трижды.)*

И́кос 1:

Ангел представитель с небес послан бысть рещи Богородице: радуйся, и со плотным гласом воплощаема Тя зря, Господи, ужасашеся и стояше, зовый к Ней таковая:

Радуйся, Еюже радость возсияет;
радуйся, Еюже клятва исчезнет.
Радуйся, падшаго Адама воззвание;
радуйся, слез Евиных избавление.
Радуйся, высоту неудобовосходимая человеческими помысли;

рáдуйся, глубинó неудобозр́имая и а́нгельскима оч́има.

Рáдуйся, я́ко еси́ Царе́во седа́лище;

рáдуйся, я́ко но́сиши Нося́щаго вся.

Рáдуйся, звездó, явля́ющая Со́лнце;

рáдуйся, утрóбо Божéственнаго вопло́щения.

Рáдуйся, Ё́юже обновля́ется тварь;

рáдуйся, Ё́юже покланя́емся Творцу́.

Рáдуйся, Невéсто// Неневéстная.

И СНÓВА ХОР ПОÉТ ПÉРВЫЙ КОНДА́К:

Взбра́нной Воево́де победи́тельная,/ я́ко изба́вльшися от злых,/ благо-
да́рственная воспису́ем Ти, раби́ Твой, Богоро́дице,/ но, я́ко иму́щая держа́ву непо-
беди́мую,/ от всяких нас бед свободи́, да зове́м Ти:// ра́дуйся, Невéсто Неневéстная.

ПРОДОЛЖА́ЕМ КАНО́Н:

В 6-9 пéснях:

Канон храма не поется.

ВО ВСЕХ ХРА́МАХ:

ПЕСНЬ 7:

КАНО́Н ПРАЗДНИКА БОГОРО́ДИЦЫ (Триоди), глас 4 (на 8):

Ирмос: **Не послужи́ша тва́ри Богому́дрии/ па́че Созда́вшего,/ но, о́гненное**
прещéние му́жески попра́вше,/ ра́довахуся, пою́ще:// препéтый отцéв
Госпо́дь и Бог, благословéн еси́. (Дважды)

Припев: **Пресвятáя Богоро́дице, спаси́ нас.**

Воспева́ем Тя вопи́юще:/ ра́дуйся, колесни́це со́лнца умна́го,/ лозó
и́стинная, грозд зрéлый возде́лавшая, вино́ источа́ющий,// ду́ши веселя́щее
ве́рою Тя сла́вящих.

Припев: **Пресвятáя Богоро́дице, спаси́ нас.**

Врача́ всех челове́к рóждшая, ра́дуйся Богоневéсто,/ жéзле та́йный, цвет
неувяда́емый процвётший,// ра́дуйся Влады́чице, Ё́юже ра́дости напол-
ня́емся, и жизнь насле́дуем.

Припев: **Пресвятáя Богоро́дице, спаси́ нас.**

Ветийству́ющий не мо́жет язы́к, Влады́чице, песносло́вити Тя,/ па́че бо
Сераф́имов возвы́силася еси́, рóждши Царя́ Христа́.// Егóже моли́ граду́ сему́
изба́виться от мно́гих искуше́ний.

Припев: **Пресвятáя Богоро́дице, спаси́ нас.**

Хвалят Тя блажаще концы, и любовьию зовут Тебе:/ радуйся свитче, в немже перстом написася Отчее Слово, Чистая./ Егже моли, в книги животныя// рабом Твоим написатися, Богородице.

ЧЕТВЕРОПЕСНЕЦ ПЕРВЫЙ, ГЛАС 6:

Припев: **Святїи мученицы, молїте Бóга о нас.**

Пресвѣтлое собрание Божественных Твоих мучеников, Многомилостиве,/ во свете Твоём незаходимем ныне жительствоует.// Тех молитвами просвещение и грехов очищение подаждь всем, Христѣ.

Припев: **Святїи мученицы, молїте Бóга о нас.**

Коль красное время, еже нам дал еси воздержания, Господи,/ в немже ущедри души наша яко Благ,/ молитвами святых страдалец,// красныя и честныя возлюбивших страсти Твоя.

Припев: **Святїи мученицы, молїте Бóга о нас.**

Прешедшия многоболезненную бурю жития рабы Твоя,/ устремї в пристанище, Владыко, жизни,/ вопїти со всеми избранными:// благословен еси, Господи Бóже отец наших.

Припев: **Пресвятая Богородице, спасї нас.**

Богородичен: **Закона Дателя, Приснодево, рождающая моли,/ беззакония отъяти вся, во время ныне настоящее,// добре произволившим обучатися Божественного поста тцанием.**

ЧЕТВЕРОПЕСНЕЦ ВТОРОЙ, ГЛАС 5:

Припев: **Святїи мученицы, молїте Бóга о нас.**

Благословен еси, Бóже,/ показавый доблю о Тебе страдающия мученики,// препетый и препрославленный.

Припев: **Святїи мученицы, молїте Бóга о нас.**

Благословен еси, Бóже,/ страсотерпцы молитвенники нам к Тебе подавай,// препетый и препрославленный.

Припев: **Слава Отцу и Сыну и Святому Духу.**

Троицен: **Благословен еси, Бóже,/ един убо Естеством, Лицы же тремї познаваемый,// препетый и препрославленный.**

Припев: **И ныне и присно и во веки веков. Аминь.**

Богородичен: **Благословен еси, Бóже,/ рождейся безсеменно, и Рождшую показавый чистотствующую,// препетый и препрославленный.**

Припев: **Святым, иже суть на земли Егó,/ удивї Господь вся хотения Своя в них.**

Благословен еси, Боже, / звери укротивый и погасивый огонь, // в славу святых Твоих, препетый и препрославленный.

Припев: Блажени, яже избрал, / и приял еси Господи.

Благословен еси, Боже, / от смерти в безконечный живот преложивый, // верою в житий послужившия Тебе.

КАТАВАСИЯ, ГЛАС 5:

Благословен еси, Боже, / видяй бездны / и на Престоле Славы седяй, // препетый и преславный.

ПЕСНЬ 8.

Канон праздника Богородицы (Триоди), глас 4 (на 12):

Ирмос: Отроки благочестивыя в пещи / Рождество Богородичо спасло есть; / тогда убо образуемое, / ныне же действующее, / вселенную всю воздвизает пети Тебе: / Господа пойте, дела, // и превозносите Его во вся веки. (Дважды)

Припев: Пресвятая Богородице, спаси нас.

Ложесны Слово прияла еси, / вся носящаго носила еси, / млеко питала еси, / манием питающего вселенную всю, Чистая, Ему же поем: // Господа пойте дела, и превозносите во вся веки.

Припев: Пресвятая Богородице, спаси нас.

Моисей уразумел в купине великое таинство Рождества Твоего: / отроцы же прообразиша сие явственнее / посреде огня стояще, и не опаляеми, нетленная святая Дево. // Тем Тя почитаем во вся веки.

Припев: Пресвятая Богородице, спаси нас.

Прежде прелестию обнажившиися / в ризу нетления облекохомся Рождеством Твоим: / и сидящи во тьме прегрешений, свет видехом, / света жилище, Отроковице. // Тем Тя поем во вся веки.

Припев: Пресвятая Богородице, спаси нас.

Мертвии Тобою оживляются, / Жизнь бо ипостасную родила еси, / немии прежде, благоглаголиви бывають, / прокаженным очищаются, недужи отгоняются, / духов воздушных множества побеждаются, // Дево, человеков спасение.

ЧЕТВЕРОПЕСНЕЦ ПЕРВЫЙ, ГЛАС 6:

Припев: Святые мученицы, молитесь Бога о нас.

Святых мученик исправлением, / небеснии умове преудивившася, // тех молитвами, милости Твоя, Владыко, в нас богато удивив, Щедре.

Припев: Святые мученицы, молитесь Бога о нас.

Огнь Божественною росью поправши,/ страдальцы Господни досточуднии,/ избавите нас огня мучащаго,// ко Владыце теплыми вашими молитвами.

Припев: **Святѣи мученицы, молѣте Бога о нас.**

Преблагій Слове,/ отшедшия от нас православно,/ жизни сподоби, яже на небесех,/ и святѣя свѣтлости,// добропобѣдных мученик молитвами.

Припев: **Пресвятая Богородице, спаси нас.**

Богородичен: **М**олитвами, Щедре, Родшия Тя,/ и святѣх мученик и апостол Твоих,/ просвети наша души, еже славити Тя,// в веселии душевнем во веки.

ЧЕТВЕРОПѢСНЕЦ ВТОРОЙ, ГЛАС 5:

Припев: **Святѣи мученицы, молѣте Бога о нас.**

Лицы мученик святѣи,/ помяните любовь воспевающия вы// и превозносящия Христа во веки.

Припев: **Святѣи мученицы, молѣте Бога о нас.**

Мечѣм усекаеми, радовахуся мученицы, поюще Христа// и превозносяще во вся веки.

Благословим Отца, и Сына, и Святаго Духа, Господа.

Трѣичен: **С**траннолѣпно разделяется Троица/ и пребывает нераздельна, яко Бог,// Юже превозносим во вся веки.

И ныне и присно и во веки веков. Аминь.

Богородичен: **Д**ева Младенца роди,/ Бог бо из Нея вочеловечися,// вся тварь да поет Его во веки.

Припев: **Дивен Бог во святѣх Своих,/ Бог Израилев.**

Столпѣ мужества явѣшася,/ падѣнием диаволим радуящеся мученицы,/ поюще Христа и превозносяще во веки.

Припев: **Души их во благѣх водворятсѣ.**

У Авраама внедритися сподоби, Господи, рабы Твоя,/ верою преставльшися к Тебѣ, и надежду.

КАТАВАСИЯ, ГЛАС 5:

Хвалим, благословим, поклоняемся Господеву, поюще и превозносяще во вся веки.

Творца твари,/ Егѣже ужасаются Ангели,/ пойте, людие,// и превозносите во вся веки.

Диакон: **Б**огородицу и Матерь Свѣта в пѣснях возвеличим.

ПЕСНЬ ПРЕСВЯТОЙ БОГОРОДИЦЫ:

Хор: Величит душа Моя Господа, / и возрадовася дух Мой о Бозе Спасе Моём.
Честнейшую Херувим / и Славнейшую без сравнения Серафим, / без исленія Бѳга Слѳва рѳждшую, // сущую Богородицу, Тя величаем.
Яко призрѣ на смиреніе рабы Своея, / се бо от ныне ублажат Мя вси роди.
Честнейшую Херувим / и Славнейшую без сравнения Серафим, / без исленія Бѳга Слѳва рѳждшую, // сущую Богородицу, Тя величаем.
Яко сотвори Мне величіе Сильный, / и свято Имя Его, и мѳлость Его в роды родов боящимся Его.
Честнейшую Херувим / и Славнейшую без сравнения Серафим, / без исленія Бѳга Слѳва рѳждшую, // сущую Богородицу, Тя величаем.
Сотвори державу мышцею Своею, / расточи гѳрдья мѳслию сѣрдца их.
Честнейшую Херувим / и Славнейшую без сравнения Серафим, / без исленія Бѳга Слѳва рѳждшую, // сущую Богородицу, Тя величаем.
Низложи сильные со престѳл, и вознесѣ смиренныя; / алчущія испѳлни благ, и богатящіяся отпусти тщи.
Честнейшую Херувим / и Славнейшую без сравнения Серафим, / без исленія Бѳга Слѳва рѳждшую, // сущую Богородицу, Тя величаем.
Восприят Израїля ѳтрока Своего, помянути мѳлости, / якоже глагола ко отцем нашим, Аврааму и семени его, даже до века.
Честнейшую Херувим / и Славнейшую без сравнения Серафим, / без исленія Бѳга Слѳва рѳждшую, // сущую Богородицу, Тя величаем.

ПЕСНЬ 9:

Канѳн прѳзднака Богородицы (Триѳди), глас 4 (на 8):

Ирмос: Всяк земнорѳдный / да възграетсѳ, Духом просвещаемь, / да торжествует же Безплѳтных умѳв естество, / почитающее священное торжество Богоматере, / и да вопиет: / радуйся, Всеблаженная, // Богородице, Чїстая Приснодево. *(Дважды)*

Припев: Пресвятая Богородице, спаси нас.

Да Тебѣ, вернии, радуйся зовем, / Тобѳю радости причастницы бѳвше присносущныя, / избави нас напѳстей, варварскаго плененія, и всякія инѳя рѳны, / за множество, Отроковице, прегрешеній, // находящія человеком согрешающим.

Припев: Пресвятая Богородице, спаси нас.

Явилася еси просвещение наше и утверждение./ Тёмже вопиём Ти:/ радуйся, звездó незаходима́я, вводя́щая в мир вели́кое Со́лнце./ Ра́дуйся, Еде́м отве́рзшая за́ключе́нный, Чи́стая.// Ра́дуйся, сосу́де, ми́ро неисто́щимо́е на Тя излия́нное прие́мший.

Припев: Пресвятая Богородице, спаси нас.

Ста́нем благоговейно в до́му Бо́га на́шего, и возопи́м:/ ра́дуйся, ми́ру Влады́чице./ Ра́дуйся Мари́е, Госпоже́ всех нас./ Ра́дуйся, еди́на непоро́чная в жена́х и до́брая.// Ра́дуйся, сто́лпе о́гненный, вводя́щий в вы́шнюю жизнь челове́чество.

Припев: Пресвятая Богородице, спаси нас.

Богородичен: Голуби́це Ми́лостиваго ро́ждшая, ра́дуйся Присноде́во:/ преподо́бных всех, ра́дуйся, похвало́, страда́льцев венча́ние./ Ра́дуйся, всех пра́ведных Божество́нное удо́брение,// и нам ве́рным спасе́ние.

ЧЕТВЕРОПЕСНЕЦ ПЕРВЫЙ, ГЛАС 6:

Припев: Святѣи мученицы, моли́те Бо́га о нас.

Я́ко свет, я́ко со́лнце возсия́вше,/ всю зе́млю луча́ми благоче́стия, мученицы,/ и свети́лами чуде́с просвети́ша/ и многобо́жия тьму разгна́ша,// ихже моли́твами, Бо́же, поми́луй нас.

Припев: Святѣи мученицы, моли́те Бо́га о нас.

Во́инство мучеников непобеди́мое,/ всех нас укрепѣ́ добре подви́затися/ и соверши́ти поста́ по́прище,/ я́ко да Божество́ннаго жити́я де́ло соверши́вше,// прича́стницы бу́дем жи́зни, веселя́щися.

Припев: Святѣи мученицы, моли́те Бо́га о нас.

Тво́я да предва́рит бла́гость, Го́споди,/ от нас стра́шным предста́вльшихся повеле́нием Тво́им,/ да окру́жит их Тво́я ми́лость,// и да наста́вит к селе́нию, просвеще́нным све́том лица́ Твоего́.

Припев: Пресвятая Богородице, спаси нас.

Богородичен: Гла́сом а́нгеловым сове́та О́тча А́нгела,/ неизрече́нно Богородице роди́ла еси́,/ гла́сы у́бо рабо́в Тво́их приими́,/ я́же во вре́мя поста́ прино́сим,// и сия́ принеси́ Бо́гу, я́коже кади́ло.

ЧЕТВЕРОПЕСНЕЦ ВТОРОЙ, ГЛАС 5:

Припев: Святѣи мученицы, моли́те Бо́га о нас.

Совершающе торжество мученическое,/ днесь людие воскликнем пёсньми,/ поюще Христу подвигоположнику/ и победы на враги им подавшему,// Егóже в пёснях величаём.

Припев: **Святїи мученицы, молїте Бóга о нас.**

Ноготьми растерзаеми и усецаеми мечем на úды,/ совокупїстеся Христу любезно, всехвальнии мученицы.// Тем и ныне на небесех веселящеся, о всех молїтеся.

Припев: **Слава Отцу и Сыну и Святому Духу.**

Трїичен: **Едино Существом воспеваю Тя, Безначальная Трїице,/ честная, живоначальная, несекомая Единице,/ Отче нерожденный и рожденный Слове и Сыне, Духе Святой,// нас спаси, поющих Тя.**

Припев: **И ныне и присно и во веки веков. Аминь.**

Богородичен: **Паче ума рождество Твое, Богомати,/ без мужа бо зачатие в Тебе и девственно рождение бысть,/ ибо Бог есть родивыйся,// Егóже величающе, Тя, Деву, ублажаем.**

Припев: **Святѣм, ѣже суть на земли Егó,/ удивї Господь вся хотения Своя в них. Дóблее воинство Царя всех и Бóга,/ мучеников пёсньми венчаим, людие,/ тїи бо победиша бесовския полки яве,// яже воспевающе, Владыку величаём.**

Припев: **Блажени, яже избрал,/ и приял еси Господи.**

Егда все создание Твое возставиши судитися, Христе, яже приял еси,/ и ныне рабы Твоя верныя помилуй,/ прости, яже в житий прегрешения их,// и со святѣми Твоими упокой я во веки.

КАТАВАСИЯ, ГЛАС 5:

Исаие, ликуй,/ Дева име во чреве/ и роди Сына Еммануила,/ Бóга же и Человека,/ Восток имя Емú,/ Егó же величающе,// Деву ублажаем.

ЕКТЕНИЯ МАЛАЯ:

Диакон: **Паки и паки миром Господу помóлимся.**

Хор: **Господи, помилуй.**

Диакон: **Заступи, спаси, помилуй и сохрани нас, Бóже, Твоею благодатию.**

Хор: **Господи, помилуй.**

Диакон: **Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святѣми помянувши, сами себе и друг друга, и весь живот наш Христу Бóгу предадим.**

Хор: **Тебе, Господи.**

Иерей: **Яко Ты хвалят вся силы небесныя, и Тебе славу воссылаем, Отцу и Сыну и Святому Духу, ныне и присно и во веки веков.**

Хор: **Аминь.**

СВЕТИЛЕН ТРИОДИ, ПОДОБЕН: «ЖЕНЫ УСЛЫШИТЕ...»:

Чтец: **Е**же от века днесъ познавается таинство:/ Божие Бог Слово, Сын Девы Марии за милосердие бывает./ И радость Благовещения Гавриил провещавает, с нимже возопийм вси:// радуйся, Мати Господня. *(Дважды)*

Слава Отцу и Сыну и Святому Духу и ныне и присно и во веки веков. Аминь.

Еже от века днесъ познавается таинство:/ Божие Бог Слово, Сын Девы Марии за милосердие бывает./ И радость Благовещения Гавриил провещавает, с нимже возопийм вси:// радуйся, Мати Господня.

ХВАЛИТНЫ ПСАЛМЫ, ГЛАС 4

Хор: **В**сякое дыханье да хвалит Господа./ Хвалите Господа с небес,/ хвалите Его в вышних.// Тебе подобает песнь Богу.

Хвалите Его вси Ангели Его,/ хвалите Его вся силы Его.// Тебе подобает песнь Богу.

Псалом 148:

Чтец: **Х**валите Его, солнце и луна, хвалите Его, вся звезды и свет. Хвалите Его Небеса небес и вода, яже превыше небес. Да восхвалят имя Господне: яко Той рече, и быша, Той повеле, и создашася. Постави я в век и в век века, повеление положи, и не мимо идет. Хвалите Господа от земли, змиеве и вся бездны: огонь, град, снег, голоть, дух бурен, творящая слово Его, горы и вси холми, древа плодоносна и вси кедри, зверие и вси скоти, гады и птицы пернаты. Царие земстии и вси людие, князи и вси судий земстии, юноши и девы, старцы с юнотами да восхвалят имя Господне, яко вознесся имя Того Единого, исповедание Его на земли и на небеси. И вознесет рог людей Своих, песнь всем преподобным Его, сыновом Израилевым, людем, приближающимся Ему.

Псалом 149:

Воспойте Господеву песнь нову, хваление Его в церкви преподобных. Да возвеселится Израиль о Сотворшем его, и сынове Сиони возрадуются о Царе своем. Да восхвалят имя Его в лице, в тимпанах и псалтири да поют Ему. Яко благоволит Господь в людех Своих, и вознесет краткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати царя их путы, и славные их ручными окобы железными.

На 6: **С**отворити в них суд написан./ **Слава сия будет всем преподобным Его.**

Псалом 150:

Хвалите Бога во святых Его,/ хвалите Его во утвержении силы Его.

Чтец: *Стихиры Триоди, глас 4, подобен: «Яко дбля...»:*

Стих: **Хвалите Его на силах Его,/ хвалите Его по множеству величества Его.**

Стихира: **Сокровенное таинство/ и Ангелом неведомое,/ Гавриил уверяет Архангел,/ и к Тебе ныне придет/ единой нетленной и добрей голубице,/ и рода нашего воззванию,/ и возопиет Тебе Пресвятая, еже радуйся:/ уготовися словом, Бога Слова,// Твоими ложеснами прияти.**

Стих: **Хвалите Его во гласе трубнем,/ хвалите Его во псалтири и гуслех.**

Стихира: **Сокровенное таинство/ и Ангелом неведомое,/ Гавриил уверяет Архангел,/ и к Тебе ныне придет/ единой нетленной и добрей голубице,/ и рода нашего воззванию,/ и возопиет Тебе Пресвятая, еже радуйся:/ уготовися словом, Бога Слова,// Твоими ложеснами прияти.**

Стих: **Хвалите Его в тимпане и лице,/ хвалите Его во струнах и органе.**

Стихира: **Светоносная палата/ уготовася Тебе, Владыко,/ утроба чистая Богоотроковицы,/ гряди к Сей и сниди, ущедри создание Твое,/ завистно брань приемшее и работою удержанное лстываго,/ и доброту первую погубившее,// и Твоего спасительнаго чающее сошествия.**

Стих: **Хвалите Его в кимвалех доброгласных, хвалите Его в кимвалех восклицания./ Всякое дыхание да хвалит Господа.**

Стихира: **Гавриил Архангел,/ к Тебе, Всенепорочная,/ явлено придет и возопиет Тебе:/ радуйся, клятвы разрешение,/ падших востание./ Радуйся, едина избранная Богу бывшая./ Радуйся, колеснице солнца славы./ Приими Безплотнаго,// во утробе Твоей вселится хотящаго.**

Стихира Триоди, глас 4, самогласна:

Слава Отцу и Сыну и Святому Духу и ныне и присно и во веки веков. Аминь.

Языка, егже не ведяше,/ услыша Богородица,/ глаголаше бо к Ней Архангел Благовещения глаголы:/ отнюдуже верно приемши целование,/ зачат Тя, Превечнаго Бога./ Темже и мы радуящеся вопием Ти:/ из Нея воплотивыйся непреложно, Боже,/ мир миру даруй// и душам нашим велию милость.

Иерей: **Слава Тебе, показавшему нам свет.**

СЛАВОСЛОВИЕ ВЕЛИКОЕ:

Хор: **Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю Небесный, Боже Отче Вседержителю, Господи, Сыне Единородный, Иисусе Христе, и Святой Душе. Господи Боже, Агнче Божий, Сыне Отечь, вземляй грех мира, помилуй нас; вземляй грехи мира, приими молитву нашу; седяй одесную Отца, помилуй нас. Яко Ты еси един Свят, Ты еси един Господь, Иисус Христос, в славу Бога Отца. Аминь.**

На всяк день благословлю Тя, и восхвалю Имя Твое во веки, и в век века.

Сподоби, Господи, в день сей без греха сохранитися нам. Благословен еси,

Господи, Бóже отец наших, и хвально и прославлено Имя Твое во веки. **Аминь.**

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. *(Трижды)*

Господи, прибежище был еси нам в род и род. **Аз рех:** Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

Святый Бóже, Святый Крепкий, Святый Безсмертный, помилуй нас. *(Трижды)*

Слава Отцу и Сыну и Святому Духу и ныне и присно и во веки веков. **Аминь.**

Святый Безсмертный, помилуй нас.

Святый Бóже, Святый Крепкий, Святый Безсмертный, помилуй нас.

ТРОПАРЬ ПРАЗДНИКА (Триоди), ГЛАС 8:

Хор: Повеленное тайно прием в разуме, / в крове Иосифове тщанием предста
Безплотный, глаголя Неискусобрачной: / приклонивый схождением Небеса
вмещается неизменно весь в Тя, / Егоже и видя в ложеснах Твоих приемша
рабий зрак, / ужасаюся звати Тебе: // радуясь, Невесто Невестная.

ЕКТЕНИЯ СУГУБАЯ:

Диакон: Помилуй нас, Бóже, по велицей милости Твоей, молим Ти ся, услыши и помилуй.

Хор: **Господи,** помилуй. *(Трижды, на каждое прошение)*

Еще молимся о Великом Господине и Отце нашем Святейшем Патриархе **Кирилле**, и о Господине нашем Высокопреосвященнейшем митрополите *(или: архиепископе, или: преосвященнейшем епископе имярек)*, и всей во Христе братии нашей.

Еще молимся о Богохранимем стране нашей, властях и воинстве ея, да тихое и безмолвное житие поживем во всяком благочестии и чистоте.

Еще молимся о блаженных и приснопамятных создателях святого храма сего, и о всех преждепочивших отцах и братиях, zde лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Еще молимся о плодоносящих и добродетельных во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

Иерей: **Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.**

Хор: **Аминь.**

ЕКТЕНИЯ ПРОСИТЕЛЬНАЯ:

Диакон: **Исполним** утреннюю молитву нашу Господеву.

Хор: **Господи,** помилуй.

Диакон: **Заступи,** спаси, помилуй и сохрани нас, Бóже, Твоею благодатью.

Хор: **Господи,** помилуй.

Диакон: **Дне** всего совершенна, свята, мирна и безгрешна у Господа просим.

Хор: Подáй, Гóсподи. *(На каждое прошение)*

Диáкон: А́нгела мирна, вёрна наставляника, хранителя душ и телес наших, у Гóспода прóсим.

Прощения и оставления грехов и прегрешений наших у Гóспода прóсим.

Дóбрых и полéзных душáм нáшим и мíра мíрови у Гóспода прóсим.

Прóчее время животá нáшего в мíре и покаянии скончáти у Гóспода прóсим.

Христиáнския конч́ины животá нáшего, безболéзнены, непосты́дны, мíрны и дóбраго от-
вёта на Стрáшнем Суди́щи Христóве прóсим.

Пресвятую, Пречы́стую, Преблагословенную, Слáвную Влады́чицу нáшу Богорóдицу и При-
снодéву Мари́ю, со все́ми святы́ми помяну́вше, са́ми себе́, и друг дру́га, и весь живóт наш Христú
Бóгу преда́дим.

Хор: Тебé, Гóсподи.

Иерéй: Я́ко Бог мíлости и щедрот и человеколю́бия еси́, и Тебé сла́ву возсыла́ем, Отцú и Сýну
и Свято́му Дúху, ны́не и прýсно и во ве́ки веко́в.

Хор: Ами́нь.

Иерéй: Мир всем.

Хор: И дúхови твоeму́.

Диáкон: Главы́ нáша Гóсподеви приклóним.

Хор: Тебé, Господи.

Иерéй: Твоé бо е́сть, е́же мíловати и спаса́ти ны, Бóже наш, и Тебé сла́ву возсыла́ем, Отцú и
Сýну и Свято́му Дúху, ны́не и прýсно и во ве́ки веко́в.

Хор: Ами́нь.

Диáкон: Премúдрость.

Хор: Благословí.

Иерéй: Сый благословен Христóс Бог наш, всегда́, ны́не и прýсно и во ве́ки веко́в.

Хор: Ами́нь. Утверди́, Бóже, святую́ правослáвную ве́ру, правослáвных хри-
стиáн во век ве́ка.

Иерéй: Пресвятáя Богорóдице, спаси́ нас.

Хор: Честнéйшую Херувíм и Слáвнейшую без сравнénия Серафíм, без истлénия
Бóга Сло́ва рóждшую, сýщую Богорóдицу, Тя велича́ем.

Иерéй: Сла́ва Тебé, Христé Бóже, Уповáние нáше, сла́ва Тебé.

Хор: Сла́ва, и ны́не. Гóсподи, помíлуй. *(Три́жды)* Благословí.

ОТПУ́СТ.

Иерéй: Христóс, И́стинный Бог наш, моли́твами Пречы́стыя Своея́ Мáтере...

МНОГОЛÉТИЕ

Хор: Вели́каго Господíна и Отцá нáшего **Кири́лла**,/ Святéйшаго Патрíарха
Москóвского и всея́ Русí,/ и Господíна нáшего *(Высоко-)* Преосвящénнейшаго
(имярек),/ (архи-)епископа (митрополита (титул)),/ богохранíмую странú нáшу
Росси́йскую,/ настоя́теля, бра́тию и прихóжан святáго хра́ма сегó/ и вся

православныя христианы, // Господи, сохрани их на многая лета.

ЧИТАЕТСЯ ПЕРВЫЙ ЧАС:

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 5:

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуяй, ниже пребудут беззаконницы пред очима Твоима: возненавидел еси вся делающия беззаконие. Погубиши вся глаголющия лжу: мужа кровей и льстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Судим, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишися в них, и похваляться о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

Псалом 89:

Господи, прибежище был еси нам в род и род. Прежде даже горам не быти и создаться земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и изсхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою истети? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога

нашего на нас, и дела рук наших исправи на нас, и дело рук наших исправи.

Псалом 100:

Милость и суд воспою Тебе, Господи. Пою и разумю в пути непорочно, когда прийдеси ко мне? Прехождях в незлобии сердца моего посреде дому моего. Не предлагал пред очима моими вещь законопреступную: творящая преступление возненавидел. Не прильпел мне сердце строптиво, уклоняющегося от мене лукаваго не познал. Оклеветавшего тай искренняго своего, сего изгонял: гордым оком, и несбытым сердцем, с сим не ядях. Очи мои на верныя земли, посаждать я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моими. Во утрия избивах вся грешныя земли, еже потребити от града Господня вся делающия беззаконие.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу и Сыну и Святому Духу.

ТРОПАРЬ ПРАЗДНИКА (Триоди), ГЛАС 8:

Повеленное тайно прием в разуме, / в крове Иосифове тщанием предста
Безплотный, глаголя Неискусобрачней: / приклонивый схождением Небес
вмещается неизменно весь в Тя, / Егже и видя в ложеснах Твоих приемша
рабий зрак, / ужасаюся звати Тебе: // радуйся, Невесто Неневестная.

И ныне и присно и во веки веков. Аминь.

Что Тя наречем, о Благодатная? Небо, яко возсияла еси Солнце Правды.
Рай, яко прозябла еси цвет нетления. Деву, яко пребыла еси нетленна.
Чистую Матерь, яко имела еси на святых Твоих объятиях Сына, всех Бога.
Того моли спастися душам нашим.

Стопы моя направи по словеси Твоему и да не обладает мною всякое
беззаконие. Избави мя от клеветы человеческия, и сохрани заповеди Твоя.
Лице Твое просвети на раба Твоего и научи мя оправданием Твоим.

Да исполнятся уста моя хваления Твоего, Господи, яко да воспою славу
Твою, весь день великолепие Твое.

ТРИСВЯТОЕ ПО ОТЧЕ НАШ:

Чтец: **С**вятый Боже, Святый Крепкий, Святый Безсмертный, помилуй нас. **(Трижды)**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Отче наш, **Иже** еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь.

Кондак праздника (Триоди), глас 8:

Взбранной Воеводе победительная, / яко избавльшися от злых, / благодарственная восписуем Ти, раби Твой, Богородице, / но яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

Господи, помилуй, (40 раз)

Иже на всякое время и на всякий час, на Небеси и на земли, покланяемый и славимый, Христэ Бже, Долготерпеливе, Многомилостиве, Многоблагуотробне, **Иже** праведныя любяи и грешныя милуяи, **Иже** вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. (Трижды.)

Слава Отцу и Сыну и Святому Духу и ныне и присно и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Бже, ущедри ны и благослови ны, просвети лице Твое на ны и помилуй ны.

Чтец: Аминь.

Иерей: Христэ, Свете Истинный, просвещаяи и освящаяи всякаго человека, грядущаго в мир, да знаменается на нас свет лица Твоего, да в нем узрим Свет неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, аминь.

Хор: **Взбранной** Воеводе победительная, / яко избавльшися от злых, / благодарственная восписуем Ти раби Твой, Богородице, / но яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

Иерей: Слава Тебе, Христэ Бже, упование наше, слава Тебе.

Хор: Слава и ныне: Господи, помилуй. (Трижды.) **Благослови.**

Иерей произносит отпуст

Хор: Гóсподи, помíлуй. *(Трижды)*

ТРЕТИЙ ЧАС:

Иерей: Благословен Бог наш всегда, ныне и присно, и во веки веков.

Чтец: Аминь. Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

ТРИСВЯТОЕ ПО ОТЧЕ НАШ:

Чтец: Святы́й Бо́же, Святы́й Кре́пкий, Святы́й Безсме́ртный, помíлуй нас. *(Трижды)*

Слава Отцу́ и Сы́ну и Свято́му Ду́ху, и ны́не и прíсно и во ве́ки веко́в. Ами́нь.

Пресвятáя Трoице, помíлуй нас; Гóсподи, очíсти грехи́ наша; Влады́ко, прости́ беззакoнiя наша; Святы́й, посети́ и исцели́ немо́щи наша, и́мене Твоего́ ра́ди.

Гóсподи, помíлуй. *(Трижды)*

Слава Отцу́ и Сы́ну и Свято́му Ду́ху, и ны́не и прíсно и во ве́ки веко́в. Ами́нь.

О́тче наш, И́же еси́ на Небесéх, да святíтся и́мя Твое́, да при́дет Цáрствие Твое́, да бóдет во́ля Твоя́, я́ко на Небеси́ и на землi. Хлеб наш насущный да́ждь нам днесь; и оста́ви нам до́лги наша́, я́коже и мы оставя́ем должникoм нашим; и не введи́ нас во искуше́ние, но избáви нас от лука́ваго.

Иерей: Я́ко Твое́ есть Цáрство и си́ла и сла́ва Отца́ и Сы́на и Свята́го Ду́ха, ны́не и прíсно и во ве́ки веко́в.

Хор: Аминь. Гóсподи, помíлуй. *(12 раз)*

Слава Отцу́ и Сы́ну и Свято́му Ду́ху, и ны́не и прíсно и во ве́ки веко́в. Ами́нь.

Прииди́те, поклони́мся Царéви нашему́ Бо́гу.

Прииди́те, поклони́мся и припадéм Христóу, Царéви нашему́ Бо́гу.

Прииди́те, поклони́мся и припадéм Самóму Христóу, Царéви и Бо́гу нашему́.

Псалом 16:

Услы́ши, Гóсподи, правду́ мою́, вонми́ моле́нию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мой да видита́ правоты́. Искусил еси́ се́рдце мое́, посети́л еси́ но́щию, искусил мя еси́, и не обрeтeся во мне неправда́. Я́ко да не возглаго́лют уста́ моя́ дел чело́веческих, за словеса́ устéн Твои́х аз сохрани́х пути́ жéстоки. Соверши́ стопы́ моя́ во стезя́х Твои́х, да не подви́жутся стопы́ моя́. Аз воззва́х, я́ко услы́шал мя еси́, Бо́же, приклони́ у́хо Твое́ мне и услы́ши глаго́лы моя́. Удиви́ мiлости Твоя́, спаса́яй упова́ющия на Тя от протíвлящихсá десни́це Твое́й. Сохрани́ мя, Гóсподи, я́ко зéницу óка, в крoве крилу́ Твое́ю покрýеши мя. От лица́ нечестíвых остра́стших мя, врази́ мой ду́шу мою́ одержáша. Тук свой

затвори́ша, уста́ их глаго́лаша горды́ню. Изгоня́щи мя ны́не обыдо́ша мя, о́чи сво́й возложи́ша уклони́ти на зе́млю. Объя́ша мя я́ко лев гото́в на лов и я́ко скі́мен обита́яй в та́йных. Воскресни́, Го́споди, предвари́ я и запни́ им, изба́ви ду́шу мою́ от нечесті́ваго, ору́жие Твое́ от враг руки́ Твоея́. Го́споди, от ма́лых от земли́, разделі́ я в животé их, и сокрове́нных Твои́х исполнися чре́во их, насы́тишася сыно́в, и оста́виша оста́нки младенце́м своим. Аз же пра́вдою явлю́ся лицу́ Твоему́, насы́щуся, внегда́ явити́ ми ся сла́ве Твое́й.

Псалом 24:

К Тебе́, Го́споди, воздвиго́х ду́шу мою́, Бо́же мой, на Тя упова́х, да не постыжу́ся во век, ниже́ да посмею́т ми ся врази́ мой, я́ко вси терпя́щи Тя не посты́дятся. Да посты́дятся беззако́ннующи вотще́. Пути́ Твоя́, Го́споди, скажи́ ми, и стезя́м Твои́м научи́ мя. Наста́ви мя на и́стину Твою́, и научи́ мя, я́ко Ты еси́ Бог Спас мой, и Тебе́ терпéх весь день. Помяни́ щедрóты Твоя́, Го́споди, и мило́сти Твоя́, я́ко от ве́ка суть. Грех ю́ности моея́, и неведе́ния моего́ не помяни́, по мило́сти Твое́й помяни́ мя Ты, ра́ди бла́гости Твоея́, Го́споди. Благ и прав Госпо́дь, сегó ра́ди законоположи́т согреша́ющим на пути́. Наставит крóткия на суд, научи́т крóткия путе́м Свои́м. Все пути́е Госпо́дни мило́сть и и́стина, взыска́ющим завета́ Егó, и свиде́ния Егó. Ра́ди и́мене Твоегó, Го́споди, и очисти́ грех мой, мног бо есть. Кто есть челове́к боя́йся Го́спода? Законоположи́т ему́ на пути́, егóже изво́ли. Душа́ егó во бла́гих водвори́тся, и се́мя егó наслéдит зе́млю. Держа́ва Госпо́дь боя́щихся Егó, и завет́ Егó яви́т им. О́чи мой вѣну ко Го́споду, я́ко Той истóргнет от се́ти но́зе мой. При́зри на мя и помѣлуй мя, я́ко единоро́д и нищ есмь аз. Ско́рби се́рдца моего́ умно́жишася, от нужд мои́х изведи́ мя. Виждь смире́ние моё, и труд мой, и оста́ви вся грехи́ моя́. Виждь враги́ моя́, я́ко умно́жишася, и ненави́дением непра́вдным возненави́деша мя. Сохрани́ ду́шу мою́, и изба́ви мя, да не постыжу́ся, я́ко упова́х на Тя. Незло́бивии и пра́вии прилепля́хуся мне, я́ко потерпéх Тя, Го́споди. Изба́ви, Бо́же, Изра́иля от всех скорбе́й егó.

Псалом 50:

Помѣлуй мя, Бо́же, по вели́цей мило́сти Твое́й, и по мно́жеству щедрóт Твои́х очисти́ беззако́ние моё. Наипáче омѣй мя от беззако́ния моего́, и от греха́ моего́ очисти́ мя; я́ко беззако́ние моё аз зна́ю, и грех мой предо мно́ю есть вѣну. Тебе́ Еди́ному согреших и лука́вое пред Тобо́ю сотвори́х, я́ко да оправди́шия во словесéх Твои́х, и победи́ши внегда́ суди́ти Ти. Се бо, в беззако́нних зачат есмь, и во гресéх роди́ мя ма́ти моя́. Се бо, и́стину возлюбѣл еси́; безвѣстная и та́йная премудрости́ Твоея́ яви́л ми еси́. Окропи́ши мя иссо́пом, и очѣшуся; омѣеши мя, и па́че снѣга убелю́ся. Слу́ху моему́ да́си ра́дость и весéлие; возра́дуются ко́сти сми-

рѣнные. Отврати лице Твое от грех моих и вся беззакония моя очисти. Сердце чисто созижди во мне, Бже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Бже, Бже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стѣны Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Бже. (Трижды)

Господи, помилуй. (Трижды)

Слава Отцу и Сыну и Святому Духу.

ТРОПАРЬ ПРАЗДНИКА (Триоди), ГЛАС 8:

Повеленное тайно прием в разуме, / в крове Иосифове тщанием предста
Безплотный, глаголя Неискусобрачней: / приклонивый схождением Небес
вмещается неизменно весь в Тя, / Егже и видя в ложеснах Твоих приемша
рабий зрак, / ужасаюся звати Тебе: // радуйся, Невесто Неневестная.

И ныне и присно и во веки веков. Аминь.

Богородице, Ты еси лоза истинная, возрастившая нам Плод живота, Тебе
молимся: молися, Владычице, со святыми апостолы помилovati души наша.

Господь Бог благословен, благословен Господь день дне, / поспешит нам
Бог спасений наших, Бог наш, Бог спасати.

ТРИСВЯТОЕ ПО ОТЧЕ НАШ:

Чтец: **Святыи Бже, Святыи Крепкий, Святыи Безсмертный, помилуй нас. (Трижды)**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, про
сти беззакония наша; Святыи, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие
Твое, да будет воля Твоя, яко на Небеси и на земли. Хлеб наш насущный даждь
нам днесь; и остави нам долги наша, якоже и мы оставляем должником нашим;

и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь.

КОНДАК ПРАЗДНИКА (Триоди), ГЛАС 8:

Взбранной Воеводе победительная, / яко избавльшеся от злых, / благодарственная восписуем Ти, раби Твоя, Богородице, / но, яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяи и грешныя милуяи, Иже вся зовий ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. (Трижды.)

Слава Отцу и Сыну и Святому Духу и ныне и присно и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Молитвами святых отец наших, Господи Иисусе Христе, Боже наш, помилуй нас.

Чтец: Аминь. Владыко Боже Отче Вседержителю, Господи Сыне Единородный Иисусе Христе, и Святой Душе, Единое Божество, Единая Сила, помилуй мя, грешнаго, и имиже веси судьбами, спаси мя, недостойнаго раба Твоего, яко благословен еси во веки веков, аминь.

ШЕСТОЙ ЧАС:

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 53:

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя и крепцыи взыскаша душу мою, и не предложаша Бога пред собою. Се бо Бог помогает ми, и Господь

Заступник души моей. Отврати злая врагом моим, истиною Твоею потреби их. Болею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя воззрел око мое.

Псалом 54:

Внуши, Боже, молитву мою и не презри моления моего. Вонми ми и услыши мя: возскорбех печалию моею и смятохся. От гласа вражия и от стужения грешника, яко уклонился на мя беззаконие и во гневе враждовашу ми. Сердце мое смятется во мне и боязнь смерти нападет на мя. Страх и трепет придет на мя и покрывет мя тьма. И рех: кто даст ми криле, яко голубине, и полещу, и почию? Се удалыхся бегая и водворихся в пустыни. Чаях Бога, спасающего мя от малодушия и от бури. Потопи, Господи, и раздели языки их: яко видех беззаконие и пререkanie во граде. Днем и ночью обидет и по стенам его. Беззаконие и труд посреде его и неправда. И не оскуде от стогн его лихва и лесть. Яко аще бы враг поносил ми, претерпел бых убо, и аще бы ненавидяя мя на мя велеречевал, укрыл бых ся от него. Ты же, человек равнодушне, владыко мой и знаемый мой, иже купно наслаждался еси со мною брашен, в дому Божии ходихом единомышлением. Да придет же смерть на ня, и да снудут во ад живи, яко лукавство в жилищах их, посреде их. Аз к Богу возвах, и Господь услыша мя. Вечер и заутра, и полудне повею, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убояшася Бога. Прострет руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче ела, и та суть стрелы. Возврати на Господа печаль твою, и Той тя препитает, не даст в век молвы праведнику. Ты же, Боже, низведеш их во студенец истления, мужие кровей и лести не преполовят дней своих. Аз же, Господи, уповаю на Тя.

Псалом 90:

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словеса мятежна, плещма Своима осенит тя, и под криле Его надеешися: оружием обидет тя истина Его. Не убойшия от страха ночнаго, от стрелы летящая во дни, от вещи во тме переходящая, от сряца и беса полуденнаго. Падет от страны твоея тысяща, и тма одесную тебе, к тебе же не приблизится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси при-

бэжище твоё. Не придет к тебе зло и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеша о камень ногу твою, на аспида и василиска наступиши, и попереши льва и змия. Яко на Мя упова и избавлю и, покрью и, яко позна имя Моё. Воззовет ко Мне и услышу его, с ним есмь в скорби, изму его и прославлю его, долготю дний исполню его и явлю ему спасение Моё.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу и Сыну и Святому Духу.

ТРОПАРЬ ПРАЗДНИКА (Триоди), ГЛАС 8:

**Повеленное тайно прием в разуме, / в крове Иосифове тщанием предста
Безплотный, глаголя Неискусобрачней: / приклонивый сходянием Небеса
вмещается неизменно весь в Тя, / Егоже и видя в ложеснах Твоих приемша
рабий зрак, / ужасаюся звати Тебе: // радуйся, Невесто Неневестная.**

И ныне и присно и во веки веков. Аминь.

**Яко не имама дерзновения за премногия грехи наша, Ты иже от Тебе
Родшагося моли, Богородице Дево, много бо может моление Матернее ко
благосердию Владыки. Не презри грешных мольбы, Всечистая, яко
милостив есть и спасти могый, Иже и страдати о нас избавивый.**

**Скоро да предварят ны щедроты Твоя, Господи, яко обнищавом зело;
помози нам, Боже, Спасе наш, славы ради Имене Твоего, Господи, избави нас
и очисти грехи наша, Имене ради Твоего.**

ТРИСВЯТОЕ ПО ОТЧЕ НАШ:

Чтец: **Святый Боже, Святый Крепкий, Святый Безсмертный, помилуй нас. (Трижды)**

Слава Отцу и Сыну и Святому Духу, и ныне и присно и во веки веков. Аминь.

**Пресвятая Троице, помилуй нас; Господи, очисти грехи наша; Владыко, про-
сти беззакония наша; Святый, посети и исцели немощи наша, имене Твоего ради.**

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

**Отче наш, Иже еси на Небесах, да святится имя Твое, да придет Царствие
Твое, да будет воля Твоя, яко на Небеси и на земли. Хлеб наш насущный даждь
нам днесь; и остави нам долги наша, якоже и мы оставляем должником нашим;
и не введи нас во искушение, но избави нас от лукаваго.**

Иерей: **Яко Твое есть Царство и сила и слава Отца и Сына и Святаго Духа, ныне и присно и во веки веков.**

Хор: АМІНЬ.

КОНДАК ПРАЗДНИКА (Триоди), ГЛАС 8:

**Взбрáнной Воево́де победíteльная, / ꙗко избáвльшесе от злых, / благо-
да́рственная восписúем Ти, раб́и Тво́й, Богородице, / но, ꙗко имúщая дер-
жа́ву непобедíмую, / от всяких нас бед свободí, да зове́м Ти: // ра́дуйся, Не-
вѣсто Неневѣстная.**

Гóсподи, помíлуй. (40 раз)

**И́же на всякое время и на всякий час, на Небесí и на земл́и, покланя́емый
и сла́вимый, Христé Бóже, Долготерпелíве, Многомíлостиве, Многоблагоут-
рóбне, И́же праведныя любя́й и грѣшныя мíлуй, И́же вся зов́ий ко спасéнию
обещáния рáди б́удущих благ. Сам, Гóсподи, приими́ и нáша в час сей мо-
лítвы и испрáви живóт наш к зáповедем Тво́йм, дúши нáша освятí, телесá
очíсти, помышлénия испрáви, мýсли очíсти и избáви нас от всякíа скóрби,
зол и болéзней, оградí нас святýми Тво́ими А́нгелы, да ополчénием их со-
блюда́еми и наставля́еми, достíгнем в соединénие вѣры и в рáзум непри-
стúпныя Твоея́ сла́вы, ꙗко благословén есí во вѣки векóв, амíнь.**

Гóсподи помíлуй. (Трíжды.)

Сла́ва Отцú и Сýну и Святóму Дúху и ны́не и прíсно и во вѣки векóв. АМІНЬ.

**Честнѣйшую Херувíм и сла́внейшую без сравнénия Серафíм, без ислénия
Бóга Сло́ва рóждшую, сýщую Богородицу, Тя велича́ем.**

И́менем Господ́ним благословí, óтче.

Иерей: **Моlитвами святых́ отец́ наших, Гóсподи Иисúсе Христé, Бóже наш, помíлуй нас.**

Чтец: **АМІНЬ. Бóже и Гóсподи сил и всея́ твáри Содéтелю, И́же за милосѣрдие
безприклáдныя мíлости Твоея́ Единорóднаго Сýна Твоегó, Гóспода нáшего
Иисúса Христá, низпослáвый на спасéние рóда нáшего, и честн́ым Егó Кре-
стóм рукописáние грех́ наших растерзáвый, и победíвый тем начáла и
влáсти тьмы. Сам, Влады́ко Человеколю́бче, приими́ и нас, грѣшных, благо-
да́рственныя сîя́ и молéбныя молítвы и избáви нас от всякаго всегу-
бítельнаго и мра́чнаго прегрѣшénия и всех озлóбити нас íщущих вíдимых
и невíдимых враг. Пригвоздí стра́ху Твоему́ плóти нáша и не уклонí серде́ц
нáших в словесá или́ помышлénия лука́вствия, но любóвию Твоею́ уязв́и
дúши нáша, да, к Тебé всегда́ взира́юще и е́же от Тебé свѣтом наставля́еми,
Тебé, непристúпнаго и присносýщнаго зря́ще Свѣта, непрестáнное Тебé ис-
повѣдание и благодарénие возсыла́ем, Безначáльному Отцú со Едино-
рóдным Тво́йм Сýном и Всесвятýм, и Благíм, и Животворя́щим Тво́йм
Дúхом ны́не, и прíсно, и во вѣки векóв, амíнь.**

БОЖЕСТВЕННАЯ ЛИТУРГИЯ:

Диакон: Благослові, владыко.

Иерей: Благословено Царство Отца и Сына и Святаго Духа, ныне и присно и во веки веков.

Хор: Аминь.

ВЕЛИКАЯ ЕКТЕНИЯ:

Диакон: Міром Господу помóлимся.

Хор: Господи, помилуй.

Диакон: О Свѣшнем міре и спасеніи душ наших, Господу помóлимся.

О міре всего міра, благостоянии Святых Божіих Церквей и соединеніи всех, Господу помóлимся.

О святѣм храме сем и с верою, благоговеніем и страхом Божіим входящих во_нь, Господу помóлимся.

О великом Господіне и Отце нашем Святѣйшем Патриархе **Кирилле**, и о Господіне нашем, Высокопреосвященнейшем митрополите (**или:** архиепископе, **или:** преосвященнейшем епископе **имярек**), честнем пресвитерстве, во Христѣ диаконстве, о всем причте и людех, Господу помóлимся.

О Богохранимем странѣ нашей, властех и воинстве ея, Господу помóлимся.

О граде сем (**или** о веси сей), всяком граде, странѣ и верою живущих в них, Господу помóлимся.

О благораствореніи воздухов, о избобилии плодов земных и временех мирных, Господу помóлимся.

О плавающих, путешествующих, недугующих, страждущих, плененных и о спасеніи их. Господу помóлимся.

О избавитися нам от всякия скорби, гнева и нужды, Господу помóлимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебѣ, Господи.

Иерей: Яко подобает Тебѣ всякая слава честь и поклонение, Отцу и Сыну и Святому Духу, ныне и присно и во веки веков.

Хор: Аминь.

ПЕРВЫЙ АНТИФОН, ПСАЛОМ 102²:

Хор: Благослові, душе моя, Господа,/ благословен еси Господи./

Благослові, душе моя, Господа,/ и вся внутренняя моя/ имя святое Его./ Благослові, душе моя, Господа,/ и не забывай всех воздаяний Его,/ очищающего вся беззакония твоя,/ исцеляющего вся недуги твоя,/ избавляющего от истления живот твой,/ венчающего тя милостию и щедротами,/ исполняющего во благих желаниях твоих:/ обновится яко орля юность твоя./ Твориай милостыни Господь,/ и судьбу всем обидимым./ Сказал пути Своя Моисею,/ сыновом Израилевым хотения Своя:/ Щедр и Милостив Господь,/ Долготерпелив и Многомилостив./ Не до конца прогневается,/ ниже во век враждует,/ не по беззаконию нашим сотворил есть нам,/ ниже по грехом нашим воздал есть нам./ Яко по высоте небесней

² Чаше всего поется в сокращении.

от земли,/ утвердил есть Господь милость Свою на боящихся Его./ Елико отстоят восточцы от запад,/ удалил есть от нас беззакония наша./ Якоже щедрит отец сыны,/ ущедри Господь боящихся Его./ Яко Той позна создание наше,/ помяну, яко персть есмь./ Человек, яко трава дние его,/ яко цвет сельный, тако оцветет,/ яко дух пройде в нем,/ и не будет, и не познает ктому места своего./ Милость же Господня от века и до века на боящихся Его,/ и правда Его на сынех сынов, хранящих завет Его, и помнящих заповеди Его творити я./ Господь на Небеси уготова Престол Свой,/ и Царство Его всеми обладает./ Благословите Господа вси Ангели Его,/ сильнии крепостию, творящие слово Его, услышати глас словес Его./ Благословите Господа вся Силы Его,/ слуги Его, творящие волю Его./ Благословите Господа вся дела Его, на всяком месте владычества Его./

Благослови, душе моя, Господа,/ и вся внутренняя моя/ имя святое Его./ Благословен еси, Господи.

ЕКТЕНИЯ МАЛАЯ:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Хор: Аминь.

ВТОРОЙ АНТИФОН, ПСАЛОМ 145:

Хор: Хвали, душе моя, Господа./ Восхваляю Господа в животe моем,/ пою Богу моему, дондеже есмь./ Не надейтесь на князи, на сыны человеческия,/ в нихже несть спасения./ Изыдет дух его/ и возвратится в землю свою./ В той день погибнут вся помышления его./ Блажен, емуже Бог Иаковль Помощник его,/ упование его на Господа Бога своего,/ сотворшаго небо и землю,/ море и вся, яже в них,/ хранящаго истину в век,/ творящаго суд обидимым,/ дающаго пищу алчущим./ Господь решит окованныя./ Господь умудряет слепцы./ Господь возводит низверженныя./ Господь любит праведники./ Господь хранит пришельцы,/ сира и вдову примет/ и путь грешных погубит./ Воцарится Господь во век, // Бог твой, Сионе, в род и род.

Слава Отцу и Сыну и Святому Духу и ныне и присно и во веки веков. Аминь³.

ЕДИНОРОДНЫЙ СЫНЕ:

Единородный Сыне и Слове Божий, Безсмертен Сый/ и изволивый спасения нашего ради/ воплотиться от Святыя Богородицы и Приснодевы Марии,/ непреложно вочеловечивыйся,/ распныйся же, Христэ Бóже, смертию смерть поправый,/ Един Сый Святыя Троицы, // прославляемый Отцу и Святому Духу, спаси нас.

ЕКТЕНИЯ МАЛАЯ:

Диакон: Паки и паки миром Господу помóлимся.

Хор: Господи, помилуй.

Диакон: Заступи, спаси, помилуй и сохрани нас, Бóже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Бóгу предадим.

Хор: Тебé, Господи.

Иерей: Яко благ и человеколюбец Бог еси, и Тебé славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

ТРЕТИЙ АНТИФОН, Блаженны:

Хор: Во Царствии Твоем помяни нас, Господи, егда приидеши, во Царствии Твоем.

На 12: Блажéни нищии духом, яко тех есть Царство Небесное.

Блажéни плачущии, яко тии утешатся.

На 10: Блажéни кротции, яко тии наследят зéмлю.

Блажéни алчущии и жаждущии правды, яко тии насытятся.

На 8: Блажéни милостивии, яко тии помиловани будут.

Триоди, глас 4:

Ирмос: Твоя песнословцы, Богородице,/ Живый и Независтный Источниче,/ лик себе совокупльшия, духовно утверди,/ в Божественней Твоей славе // венцев славы сподоби.

Блажéни чисти́и сердцем, яко тии Бóга узрят.

Тропарь: Клас прозябшая Божественный, яко нива неоранная яве,/ радуйся одушевленная трапéзо, хлеб животный вмещая. // Радуйся, животная воды источниче неистощаемый, Владычице.

Блажéни миротворцы, яко тии сынове Бóжии нареку́тся.

³ *Может петься иначе: Слава: Хвали, душе, моя, Господа... И ныне: Единородный Сыне...*

Тропарь: Юнице Юнца рождшая непорочнаго, радуйся верным./ Радуйся Агнице, рождшая Божияго Агнца,/ вземлющаго мира всего прегрешения.// Радуйся теплое очистилище.

Блажени изгнани правды ради, яко тех есть Царство Небесное.

Тропарь: Утро светлейшее, радуйся/ едина Солнца носящая Христа, света жилище./ Радуйся, тьму разрушившая,// и мрачныя бэсы отнюд отгнавшая.

Блажени есте, егда поносят вам, и изженут, и рекут всяк зол глагол на вы, лжуще Мене ради.

Тропарь: Чертоже Слова нескверный, вина всех обожения,/ радуйся Пречистая, пророков оглашение:// радуйся, апостолов удобрение.

Радуйтесь и веселитесь, яко мзда ваша многа на Небесех.

Тропарь: От Тебе роса укану, пламень многобожия угасившая./ Тем вопием Ти:// радуйся, руну одушевленное, еже Гедеон, Дево, предвиде.

Слава Отцу и Сыну и Святому Духу

Тропарь: Се Тебе [Дево] радуйся, зовем:/ пристанище нам буди влающимся,/ и отишие в пучине скорбей,// и соблазнов всех борителя.

И ныне и присно и во веки веков. Аминь.

Тропарь: Радости вина, облагодати наш помысл, еже звати Тебе:/ радуйся неопалимая купино, облаче всесветлый,// верныя непрестанно осеняющий.

МАЛЫЙ ВХОД (С ЕВАНГЕЛИЕМ):

Диакон: Премудрость, прости.

Хор: Приидите, поклонимся и припадём ко Христу. Спаси ны, Сыне Божий, во святых дивен сый, поющия Ти: аллилуиа.

ТРОПАРИ И КОНДАКИ ПО ВХОДЕ:

ПО ВХОДЕ:

ТРОПАРЬ ПРАЗДНИКА (Триоди), ГЛАС 8:

Повеленное тайно прием в разуме,/ в крове Иосифове тщанием предста Безплотный, глаголя Неискусобрачней:/ приклонивый схождением Небесам вмещается неизменно весь в Тя,/ Егже и видя в ложеснах Твоих приемша рабий зрак,/ ужасаюся звати Тебе:// радуйся, Невесто Невестная.

Слава Отцу и Сыну и Святому Духу и ныне и присно и во веки веков. Аминь.

КОНДАК ПРАЗДНИКА (Триоди), ГЛАС 8:

Взбранной Воеводе победительная,/ яко избавльшися от злых,/ благодарственная восписуем Ти, раби Твои, Богородице,/ но, яко имущая державу непобедимую,/ от всяких нас бед свободи, да зовем Ти:// радуйся, Невесто Невестная.

Диáкон: Гóсподу помóлимся.

Хор: Гóсподи, помíлуй.

Иерéй: Я́ко Свят́ еси́, Бо́же наш, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прísно.

Диáкон: Гóсподи, спаси́ благочестíвыя.

Хор: Гóсподи, спаси́ благочестíвыя.

Диáкон: И услы́ши ны.

Хор: И услы́ши ны.

Диáкон: И во ве́ки веко́в.

Хор: Ами́нь.

ТРИСВЯТО́Е:

Хор: Святы́й Бо́же, Святы́й Кре́пкий, Святы́й Безсме́ртный, помíлуй нас. *(Три́жды)*

Сла́ва Отцу́ и Сы́ну и Свято́му Ду́ху и ны́не и прísно и во ве́ки веко́в. Ами́нь.

Святы́й Безсме́ртный, помíлуй нас.

Святы́й Бо́же, Святы́й Кре́пкий, Святы́й Безсме́ртный, помíлуй нас.

Диáкон: Во́нмем.

Иерéй: Мир всем.

Чтец: И ду́хови твоему́.

Диáкон: Прему́дрость.

ПРОКÍМЕН БОГОРО́ДИЦЫ, ГЛАС 3:

Чтец: Прокíмен, глас тре́тий, песнь Богородицы: Велíчит душа́ Моя́ Гóспода,/ и возра́довася дух Мой о Бо́зе Спа́се Моём.

Хор: Велíчит душа́ Моя́ Гóспода,/ и возра́довася дух Мой о Бо́зе Спа́се Моём.

Чтец: Я́ко призре́ на смире́ние Рабы́ Своея́, се бо, отны́не ублажа́т Мя вси ро́ди.

Хор: Велíчит душа́ Моя́ Гóспода,/ и возра́довася дух Мой о Бо́зе Спа́се Моём.

Чтец: Велíчит душа́ Моя́ Гóспода.

Хор: И возра́довася дух Мой о Бо́зе Спа́се Моём.

ЧТÉНИЕ АПО́СТОЛА:

Диáкон: Прему́дрость.

Чтец: Ко Евре́ем послáния свята́го апо́стола Па́вла чтéние.

Диáкон: Во́нмем.

(Субботы 5 седм Вел. поста: Евр., зач. 322, гл.9, стт.24-28):

Чтец: Бра́тие, не в рукотворéнная святáя вни́де Христóс, противообра́зная и́стинных, но в са́мое Не́бо, ны́не да яви́тся лицу́ Бо́жию о нас. Ни да мно́гажды прино́сит Себе́, я́коже первосвященник входит во святáя [свят́ых] по вся léта с крóвию чужде́ю. Поне́же подобáше бы Ему́ мно́жицею

страдати от сложения мира, ныне же единою в кончину веков, во отменение грехá, жертвою Своєю явися. И якоже лежит человеком единою умерети, по том же суд. Тако и Христос единою принесеса, во еже вознести многих грехи, второе без грехá явится, ждущим Его во спасение.

(Богородицы: Евр., зач. 320, гл.9, стт.1-7):

Братие, имейше первая скиния оправдания службы, святое же людское. Скиния бо сооружена бысть первая, в нейже светильник, и трапеза, и предложение хлебов, яже глаголется Свята́я. По второй же завесе скиния, глаголемая Свята́я святых. Злату имущи кадильницу, и ковчег завета окован всюду златом, в немже стагна злата имущая манну, и жезл Ааронов прозябший, и скрижали завета. Превыше же его Херувими славы, осеняющие олтарь: о нихже несть ныне глаголати подробну. Сим же тако устроенным, в первую убо скинию вину вхождаху священницы, службы совершающе. Во вторую же единою в лето один архиерей, не без крове, юже приносит за себе, и о людских невежествах.

Иерей: Мир ти.

Чтец: И духови твоему.

Диакон: Премудрость.

Аллилу́рий Богородицы, глас 8:

Чтец: Глас осьмой: Аллилу́ия, аллилу́ия, аллилу́ия.

Хор: Аллилу́ия, аллилу́ия, аллилу́ия.

Чтец: Воскресни, Господи, в покой Твой, Ты и Кивот святыхни Твоея.

Хор: Аллилу́ия, аллилу́ия, аллилу́ия.

Чтец: Помяни, Господи, Давида и всю кротость его.

Хор: Аллилу́ия, аллилу́ия, аллилу́ия.

Диакон: Благослови, владыко, благовестителя святого Апостола и Евангелиста Марка.⁴

Иерей: Бог, молитвами святого, славного, всехвального Апостола и Евангелиста Марка, да даст тебе глагол благовествующему силою мною, во исполнение Евангелия возлюбленного Сына Своего, Господа нашего Иисуса Христа.

Диакон: Аминь.

Второй диакон: Премудрость, прости, услышим святого Евангелия.

Иерей: Мир всем.

Хор: И духови твоему.

Диакон: От Марка святого Евангелия чтение.

Хор: Слава Тебе, Господи, слава Тебе.

Второй диакон: Вонмем.

⁴ По служебнику (при иерейском служении) этот диалог произносится не во всеуслышание в алтаре во время пения Аллилуария, но также распространена практика произнесения этого диалога возгласно после Аллилуария.

ЧТЕНИЕ ЕВАНГЕЛИЯ:

(Субботы 5 седм. Вел. поста: Мк., зач.35, гл.8, стт.27-31):

Диакон: Во время оно, изыде Иисус и ученицы Его в веси Кесарии Филипповы, и на пути вопрошаше ученики Своя, глаголя им: кого Мя глаголют человецы быти? Они же отвещаша: Иоанна Крестителя, и инии Илию, друзии же единого от пророк. И Той глагола им: вы же кого Мя глаголете быти? Отвещав же Петр глагола Ему: Ты еси Христос. И запрети им, да ни комуже глаголют о Нем. И начат учить их, яко подобает Сыну Человеческому много пострадати, и искушену быти от старец и архиерей и книжник, и убиену быти, и в третий день воскреснути.

(Богородицы: Лк., зач.54, гл.10, стт.38-42; гл.11, стт.27-28):

Диакон: Во время оно, вниде Иисус в весь некую: жена же некая именем Марфа прият Его в дом свой. И сестра ей бе нарицаемая Мария, яже и седши при ногу Иисусову, слышаше слово Его. Марфа же молвляше о мнозе службе, ставши же рече: Господи, не брежеш ли, яко сестра моя единому мя остави служити; рцы убо ей, да ми поможет. Отвещав же Иисус, рече ей: Марфо, Марфо, печешися и молвиши о мнозе. Единому же есть на потребу. Мария же благоу часть избра, яже не отыметя от нея. Бысть же егда глаголаше сия, воздвигши некая жена глас от народа, рече Ему: блажено чрево носившее Тя, и сосца, яже еси ссал. Он же рече: темже убо блажени слышавшии слово Божие, и хранящии е.

Хор: Слава Тебе, Господи, слава Тебе.

ЕКТЕНИЯ СУГУБАЯ:

Диакон: Рцем вси от всея души, и от всего помышления нашего рцем.

Хор: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды, на каждое прошение)*

Диакон: Еще молимся о Великом Господине и Отце нашем Святейшем Патриархе **Кирилле**, и о Господине нашем Высокопреосвященнейшем митрополите *(или: архиепископе, или: преосвященнейшем епископе **имярек**)*, и всей во Христе братии нашей.

Еще молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о братьях наших, священниках, священномонахах, и всем во Христе братстве нашем.

Еще молимся о блаженных и приснопамятных создателях святого храма сего, и о всех преждепочивших отцев и братьях, zde лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Еще молимся о плодоносящих и добродельных во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

ЕКТЕНИЯ ОБ ОГЛАШЕННЫХ:

Диакон: Помолитесь, оглашенные, Господеву.

Хор: Господи, помилуй. *(На каждое прошение)*

Диакон: Вернии, о оглашенных помолитесь, да Господь помилует их.

Огласит их словом истины.

Откроет им Евангелие правды.

Соединит их святей Своей соборней и апостольстей Церкви.

Спаси, помилуй, заступи и сохрани их, Бóже, Твоею благодатью.

Оглашённии, главы ваша Гóсподеви приклоните.

Хор: Тебё, Гóсподи.

Иерей: Да и ти́и с нами́ сла́вят пречестно́е и велико́лепое и́мя Твоё, Отца́, и Сы́на, и Свята́го Ду́ха, ны́не и прісно, и во ве́ки веко́в.

Хор: Ами́нь.

ЕКТЕНИЯ ВЕРНЫХ, ПЕРВАЯ:

Диакон: Елицы оглашённии, изыдите, оглашённии, изыдите, елицы оглашённии, изыдите, да никто от оглашённых, елицы вернии, паки и паки миром Гóсподу помóлимся.

Хор: Гóсподи, помилуй.

Диакон: Заступи, спаси, помилуй и сохрани нас, Бóже, Твоею благодатью.

Хор: Гóсподи, помилуй.

Диакон: Премудрость.

Иерей: Я́ко подобает Тебё вся́кая сла́ва, честь и поклонёние, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Хор: Ами́нь.

ЕКТЕНИЯ ВЕРНЫХ, ВТОРАЯ:

Диакон: Паки и паки, миром Гóсподу помóлимся.

Хор: Гóсподи, помилуй. *(На каждое прошение)*

Диакон: О свы́шнем ми́ре и спасёнии душ наших, Гóсподу помóлимся.

О ми́ре всего́ мира, благостоя́нии святы́х Бóжиих церквёй и соединёнии всех, Гóсподу помóлимся.

О святе́м хра́ме сем и с ве́рою, благоговёнием и стра́хом Бóжиим входя́щих в о́нь, Гóсподу помóлимся.

О избáвитися нам от вся́кия скóрби, гнёва и ну́жды, Гóсподу помóлимся.

Заступи, спаси, помилуй и сохрани нас, Бóже, Твоею благодатью.

Хор: Гóсподи, помилуй.

Диакон: Премудрость.

Иерей: Я́ко да под держа́вою Твоею́ всегда́ храни́ми, Тебё сла́ву возсыла́ем, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Хор: Ами́нь.

ХЕРУВИМСКАЯ ПЕСНЬ:

Хор: И́же Херуви́мы та́йно образу́юще и животворя́щей Трои́це Трисвяту́ю песнь припева́юще, вся́кое ны́не житёйское отложим попечёние.

ВЕЛИКИЙ ВХОД:

Диакон: Вели́каго господи́на и отца́ нашего́ **Кири́лла**, Святе́йшаго Патриарха́ Моско́вскаго и всея́ Ру́си, и господи́на нашего́ **(Высо́ко-)** Преосвяще́ннейшаго **(имярек)**, **(архи-)**епископа **(митрополи-та (титул))**, да помяне́т Господь Бог во Ца́рствии Своём всегда́, ны́не и прісно, и во ве́ки веко́в.

Иерей: Преосвяще́нныя митрополи́ты, архиепископы́ и епископы́, и весь свяще́нический и мона́шеский чин, и причет церкóвный, бра́тию свята́го хра́ма сего́, всех вас, правосла́вных

христиан, да помянет Господь Бог во Царствии Своем, всегда, ныне и присно, и во веки веков.

Хор: Аминь. Яко да Царя всех подыдем, ангельскими невидимо доприносима чинни. Аллилуиа, аллилуиа, аллилуиа.

ЕКТЕНИЯ ПРОСИТЕЛЬНАЯ:

Диакон: Исполним молитву нашу Господеви.

Хор: Господи, помилуй. *(На каждое прошение)*

Диакон: О предложенных Честных Дарех, Господу помолимся.

О святем храме сем, и с верою, благоговением и страхом Божиим входящих в оны, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Щедротами Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: Аминь.

Иерей: Мир всем.

Хор: И духови твоему.

Диакон: Возлюбим друг друга, да единомыслием исповемы.

Хор: Отца, и Сына, и Святаго Духа, Троицу единосущную и нераздельную.

Диакон: Двери, двери, премудростию вондем.

СИМВОЛ ВЕРЫ:

Люди: Верую во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единороднаго, Иже от Отца рожденнаго прежде всех век. Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и седяща одесную Отца. И паки грядущаго

со славою судити живым и мертвым, Егже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. **Аминь.**

ЕВХАРИСТИЧЕСКИЙ КАНОН:

- Диакон:** Станем добре, станем со страхом, вонмем, святое возношение в мире приносити.
- Хор:** Милость мира, жертву хваления.
- Иерей:** Благодать Господа нашего Иисуса Христа, и любви Бога и Отца, и причастие Святаго Духа, буди со всеми вами.
- Хор:** И со духом твоим.
- Иерей:** Горé⁵ имеем сердца.
- Хор:** И мамы ко Господу.
- Иерей:** Благодарим Господа.
- Хор:** Достойно и праведно есть поклоняться Отцу и Сыну, и Святому Духу, Троице единосущней и нераздельней.
- Иерей:** Победную песнь поюще, вопиюще, взывающе и глаголюще.
- Хор:** Свят, свят, свят Господь Саваоф, исполнь небо и земля славы Твоея; осанна в вышних, благословен Грядый во имя Господне, осанна в вышних.
- Иерей:** Примите, ядите, сие есть Тело Моё, еже за вы ломимое во оставление грехов.
- Хор:** Аминь.
- Иерей:** Пийте от нея вси, сия есть Кровь Моя Новаго Завета, яже за вы и за многия изливаемая, во оставление грехов.
- Хор:** Аминь.
- Иерей:** Твоя от Твоих Тебе приносяще, о всех и за вся.
- Хор:** Тебе поем, Тебе благословим, Тебе благодарим, Господи, и молим Ти ся, Боже наш.
- Иерей:** Изрядно о Пресвятей, Пречистой, Преблагословенней, Славней Владычице нашей Богородице и Приснодеве Марии.

ДОСТОЙНО ЕСТЬ:

Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

- Иерей:** В первых помяни, Господи, великаго господина и отца нашего Кирилла, Святейшаго Патриарха Московскаго и всея Руси, и господина нашего **(Высоко-)** Преосвященнейшаго

⁵ Горé = к Горнему, духовному, ввысь

(имярек), *(архи-)*епископа *(митрополита (титул))*, иже даруй святым Твоим церквам, в мире, целых, честных, здравых, долгоденствующих, право правящих слово Твоей истины.

Хор: И всех, и вся.

Иерей: И даждь нам едиными усты и едином сердцем славити и воспевати пречестное и великолепное имя Твое, Отца, и Сына, и Святаго Духа, ныне и присно, и во веки веков.

Хор: Аминь.

Иерей: И да будут милости великаго Бога и Спаса нашего Иисуса Христа со всеми вами.

Хор: И со духом твоим.

ЕКТЕНИЯ ПРОСИТЕЛЬНАЯ:

Диакон: Вся святія помянувше, паки и паки миром Господу помолимся.

Хор: Господи, помилуй. *(На каждое прошение)*

Диакон: О принесенных и освященных Честных Дарех, Господу помолимся.

Яко да человеколюбец Бог наш, прием я во святый и пренебесный и мысленный Свой жертвенник, воню благоухания духовнаго, возниспослет нам Божественную благодать и дар Святаго Духа, помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и добраго ответа на Страшнем Судищи Христове просим.

Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

Хор: Тебе, Господи.

Иерей: И сподоби нас, Владыко, со дерзновением, неосужденно смети призывати Тебе, Небеснаго Бога Отца, и глаголати:

МОЛИТВА ГОСПОДНЯ:

Люди: Отче наш, Иже еси на небесех, да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы́ ва́ша Гóсподеви приклонíte.

Хор: Тебé, Гóсподи.

Иерей: Благода́тию, и щедро́тами, и человеколю́бием Единоро́днаго Сы́на Твоего́, с Нимже благосло-
вén еси́, со Пресвяты́м и Благим и Животворя́щим Твои́м Ду́хом, ны́не и прísно, и во ве́ки веко́в.

Хор: Ами́нь.

Диакон: Во́нмем.

Иерей: Свята́я святы́м.

Хор: Еди́н свят,/ еди́н Госпо́дь,/ Иису́с Хри́сто́с,/ во сла́ву Бо́га Отца́./ Ами́нь.

ПРИЧА́СТЕН БОГОРО́ДИЦЫ:

Ча́шу спасéния прииму́,/ и и́мя Госпо́дне призову́. Аллилу́ия. *(Трижды)*

ПРИЧА́СТИЕ:

Диакон: Со стра́хом Бóжиим и véрою приступíte.

Хор: Благословéн Гряды́й во и́мя Госпо́дне, Бог Госпо́дь и явй́ся нам.

Иерей: Véрую, Гóсподи, и исповéдую, я́ко Ты еси́ воистинну Хри́сто́с, Сын Бо́га жива́го, при-
ше́дый в мир грéшныя спасти́, от нихже пéрвый есмь аз. Ещé véрую, я́ко сиé есть са́мое
пречы́стое Тéло Твое́, и си́я есть са́мая честна́я Кро́вь Твоя́. Молю́ся ўбо Тебé: поми́луй мя и
прости́ ми прегрешéния моя́, во́льная и нево́льная, я́же сло́вом, я́же дéлом, я́же вéдением и
невéдением, и сподóби мя неосуждéнно причастит́ся пречы́стых Твои́х Та́инств, во остав-
лéние грехо́в и в жизнь вéчную. Ами́нь.

Вéчери Твое́й та́йныя днесь, Сы́не Бóжий, причáстника мя приими́; не бо враго́м Твои́м
та́йну повéм, ни лобзáния Ти дам, я́ко Иўда, но я́ко разбо́йник исповéдаю Тя: помяни́ мя,
Гóсподи, во Цáрствии Твое́м.

Да не в суд или́ во осуждéние б́дет мне причáщение Святы́х Твои́х Та́ин, Гóсподи, но во
исцелéние ду́ши и тéла.

Во время Причащения людей:

Хор: Тéло Хри́сто́во приими́те, Исто́чника безсмéртнаго вкусите.

После Причащения людей:

Хор: Аллилу́ия, аллилу́ия, аллилу́ия.

Иерей: Спаси́, Бóже, лю́ди Твоя́, и благослови́ достоя́ние Твое́.

Хор: Видехом свет и́стинный,/ прия́хом Ду́ха Небéснаго,/ обрето́хом véру
и́стинную,/ нераздéльной Трóице покланя́емся,// Та бо нас спасла́ есть.

Иерей: Всегда́, ны́не и прísно, и во ве́ки веко́в.

Хор: Ами́нь. Да испóлнятся уста́ наша/ хвалéния Твоего́ Гóсподи,/ я́ко да поём
сла́ву Твою́,/ я́ко сподóбил еси́ нас причастит́ся/ Святы́м Твои́м, Бо-
же́ственным, безсмéртным и животворя́щим Та́инам,/ соблюди́ нас во Твое́й
святы́ни/ весь день поучáтися пра́вде Твое́й.// Аллилу́ия, аллилу́ия, аллилу́ия.

ЕКТЕНИЯ ЗАКЛЮЧИТЕЛЬНАЯ:

Диакон: Прости приемше Божественных, святых, пречистых, безсмертных, небесных и животворящих, страшных Христовых Таин, достойно благодарим Господа.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: День весь совершен, свят, мирен и безгрешен испросивше, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Ты еси освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Иерей: С миром изыдем.

Хор: О имени Господни.

Диакон: Господу помолимся.

Хор: Господи, помилуй.

ЗААМВОННАЯ МОЛИТВА:

Иерей: Благословляяй благословящия Тя, Господи, и освящаяй на Тя уповающия, спаси люди Твоя и благослови достойние Твое, исполнение Церкви Твоей сохрани, освяти любящия благолепие дому Твоего: Ты тех возпрослави Божественною Твоею силою, и не остави нас, уповающих на Тя. Мир миру Твоему даруй, церквям Твоим, священником, воинству и всем людям Твоим. Яко всякое дающее благо, и всяк дар совершен свыше есть, сходяй от Тебе Отца светов, и Тебе славу, и благодарение, и поклонение возсылаем, Отцу, и Сыну, и Святому Духу, ныне и присно, и во веки веков.

Хор: Аминь. Буди Имя Господне благословено от ныне и до века. *(Трижды)*

ПСАЛОМ 33:

Хор: Благословлю Господа на всякое время, / вину хвалу Его во устех моих. / О Господе похвалится душа моя, / да услышат коротцыи, и возвеселятся. / Возвеличите Господа со мною, / и вознесем Имя Его вкупе. / Взысках Господа, и услыша мя, / и от всех скорбей моих избави мя. / Приступите к Нему, и просветитесь, / и лица ваша не постыдятся. / Сей нищий воззва, и Господь услыша и, / и от всех скорбей его спасе и. / Ополчится Ангел Господень окрест боящихся Его, / и избавит их. / Вкусите и видите, яко благ Господь: / блажен муж, иже уповает на Нь. / Бойтесь Господа, вси святии Его, / яко несть лишения боящимся Его. / Богатии обнищаша и взалкаша: / взыскающие же Господа не лишатся всякаго блага. / Приидите, чада, послушайте мене, / страху Господню научу вас. / Кто есть человек хотяй живот, / любяй дни видети блага? / Удержи язык твой от зла, / и устне твой, еже не глаголати лести. / Уклонися от зла и

сотвори́ благо./ Взыщи́ мiра, и поженí и./ Очи Господни на праведныя,/ и
уши Его́ в молитву их./ Лице́ же Господне на творящия злая,/ еже потребити
от земли́ память их./ Воззва́ша праведнии, и Господь услы́ша их,/ и от всех
скорбей их изба́ви их./ Близ Господь сокрушенных́ сёрдцем,/ и смиренных́
ду́хом спасёт./ Мно́ги скорби́ праведным,/ и от всех их изба́вит я́ Господь./
Хранит́ Господь вся кóсти их,/ ни едина́ от них сокрушíтся./ Смерть
грешников люта́,/ и ненавидящии́ праведнаго прегрешат./ Изба́вит Господь
ду́ши раб Свои́х,/ и не прегрешат́// вси, упова́ющи на Него́.

Иерей: **Благословение́ Господне на вас, Того́ благодатию и человеколю́бием, всегда́, ны́не и
присно, и во ве́ки веко́в.**

Хор: **Ами́нь.**

Иерей: **Сла́ва Тебе́, Христе́ Бо́же, упова́ние на́ше, сла́ва Тебе́.**

Хор: **Сла́ва, и ны́не. Го́споди, помилуй. (Три́жды) Благослови́.**

ОТПУСТ:

Иерей: **Воскресый́ из мёртвых, Христóс, и́стинный Бог наш, молитвами́ пречы́стия Своея́
Ма́тере...**

МНОГОЛÉТИЕ:

Хор: **Вели́каго Господíна и Отца́ на́шего Кири́лла,/ Святéйшаго Патрíарха
Москóвского и всея́ Руси́,/ и Господíна на́шего (Высо́ко-) Преосвящённейшаго
(и́мярек),/ (архи-)еписко́па (митрополита́ (титу́л)),/ богохранíмую страну́ на́шу
Росси́йскую,/ настоя́теля, бра́тию и прихо́жан свята́го хра́ма сегó/ и вся
правосла́вныя христíаны,// Го́споди, сохрани́ их на мно́гая лéта.**